

摘藻堂四庫全書薈要

經部

欽定四庫全書薈要

經部

周禮注疏卷四十



詳校官編修臣程嘉謨

欽定四庫全書蒼要卷一千八百九十三

經部

周禮注疏卷四十

漢鄭氏注 唐陸德明音義 賈公彥疏

**輶** 為輶注輶車輶也詩云五檮梁輶音義

輶張留反方言云楚

**輶**

音木本又作輶同

**疏**

釋曰按三十工無輶人之官但車事實難故車官別主此職也

注釋曰云詩云五檮梁輶者秦詩引之者證輶是車輶

之事彼注云檮歷錄也梁輶上句衡也一輶五束束有

歷錄是也**輶有三度軸有三理**注目下車度深淺之數疏

注釋

曰云度深淺之數者**國馬之輶深四尺有七寸**注國馬

謂種馬戎馬齊馬道馬高八尺兵車乘車軹崇三尺有三寸加軹與轆七寸又并此輶深則衡高八尺七寸也除馬之高則餘七寸為衡頸之間也鄭司農云深四尺

七寸謂輶曲中音義

種章勇反齊側皆反轆音卜舊方木反又音僕

疏

注釋曰知國馬

謂種戎齊道者校人馬有六種下文有田馬駕馬明此四者當國馬也庾人云馬八尺以上為龍故鄭云高八尺云兵車乘車軹崇三尺有三寸者上文云兵車輪崇六尺有六寸軹崇三尺三寸加軹與轆四尺是也云餘七寸為衡頸之間也者按下文注衡圍一尺三寸五分寸之一頸圍九寸十五分寸之九并尺三寸與九寸為二尺二寸衡圍五分寸之一於十五分寸之九當得寸五分寸之三并頸圍十五分寸之九為十五分寸之十



二圍三徑一二十一寸徑七寸餘有一寸十五分寸之  
十二一寸復分之為十五分通前十五分寸之十二為  
二十七徑得十五分寸之九此九分當為馬頸低消之  
先鄭云深四尺七寸謂轅曲中者此據輿以上而言故  
後鄭從之也

田馬之輶深四尺注田車軹崇三尺一寸半并

此輶深為七尺一寸半今田馬七尺衡頸之間亦七寸

則軹與轆五寸半則衡高七尺七寸疏

注釋曰鄭以上文田車輪崇六

尺有三寸軹崇三尺一寸半并此輶深四尺為七尺一  
寸半加軹與轆五寸半總七尺七寸駕馬高七尺則七  
寸亦衡頸之間消之也知加軹與轆五寸半不七寸者  
亦約軹崇與兵車軹崇校寸半明軹轆亦校寸半也云  
田馬七尺者亦約庾人馬七尺曰騾以其兵車乘車駕  
國馬明田車駕騾馬也以此約之明役車駕騾馬也

駕馬之輶深三尺有三寸注輪輶與軫轂大小之咸率

寸半也則駕馬之車輶崇三尺加軫與轂四寸又并此

輶深則衡高六尺七寸也今駕馬六尺除馬之高則衡

頸之間亦七寸音義

咸本又作減同洽斬反率音類又音律下同

疏

注釋曰鄭以田

車之輪下於兵車乘車輶崇及軫轂皆校減一寸半則

駕馬是六尺之馬所駕之車又宜下故知輪輶軫轂大

小之減率例一寸半與田車減兵車乘車同也是以鄭

解駕馬之車皆減田車一寸半也若然衡頸之間同七

寸著車雖有高下至於衡頸不得不同故下云小軸有

於度謂之無任衡頸用力是同是以不得有麤細

軸有

三理一者以為媿也注無節目也疏

釋曰上文雖輶與軸竝列輶有三度

已言軸有三理未說故於此重起端序耳云  
一者以為嫩也者無節目是軸之美狀也

二者以為

久也注堅刃也三者以為利也注滑密軌前十尺而策

半之注謂輶軌以前之長也策御者之策也十或作七

合七為弦四尺七寸為鈎以求其股股則短矣七非也

鄭司農云軌謂式前也書或作軹立謂軹是軌灋也謂

輿下三面之材輶式之所封持車正也音義

注軌劉音犯

犯封疏

注釋曰云軌謂車式式前十尺謂輶曲中而策

音樹半之半之策則五尺矣言策者策以禦馬欲取

策與輶長短相准合度之意也云十或作七合七為弦

四尺七寸為鈎以求其股股則短矣者七七四十九四

丈九尺四四十六丈六尺七七四十九又得四尺九寸并之二丈九寸算法以鈎除弦以二丈九寸除四丈九尺仍有二丈八尺一寸在然後以求其股以二丈八尺一寸方之為五尺之方五五二十五用二丈五尺為方五尺也餘有三尺一寸皆以方一寸乘之得三百一十寸方之三百寸得廣六寸長五尺中分之禪前五尺之方一廂得三寸角頭方三寸三而九又用一寸之方九餘有一寸之方一在總得方五尺三寸餘方一寸以此言之則軌前惟有五尺三寸不容馬故云股則短矣七非也云書或作軹玄謂軹是軌灋也謂輿下三面之材軹式之所封持車正也者若然經作軌字不為軹先鄭以軌為式前後鄭從古書軹不從軌者以軹為灋是定雖有少儀祭軌字為車旁凡與此古書車旁已字雖異同是式前若作軌則不可軌謂轍廣轍末亦為軌故少儀云祭左右軌軌即轍末考工經涂凡任木注目車九軌軌即轍廣是軌不定故從軹也

持任之材疏

釋曰此與下經為目任木即下云任正以下是也

任正者十分其

輶之長以其一為之圍衡任者五分其長以其一為之

圍小於度謂之無任注任正者謂輿下三面材持車正

者也輶軌前十尺與隧四尺四寸凡丈四尺四寸則任

正之圍尺四寸五分寸之二衡任者謂兩軌之間也兵

車乘車衡圍一尺三寸五分寸之一無任言其不勝任

音義

隧雖遂反軌於葦反勝音升

疏

釋曰任正與衡任麤細不同者各有其宜故不同也是以云小

於度謂之無任無任謂折壞不任用也注釋曰名任正者此木任力車輿所取正以其兩輶之所樹於此木較

式依於兩轆故曰任正也云三面材者此木下及兩旁見面其上面託著輿板其面不見故云三面材也云輈輈前十尺與隧四尺四寸凡丈四尺四寸者以其經云輈則輈前與下總是輈故鄭通計之一丈得一尺四尺得四寸四寸者一寸為五分四寸為二十分得二分故云任正之圍尺四寸五分寸之二云衡任者謂兩輈之間也者服馬有二一馬有一輈輈者尻馬領不得出云兩尻之間則當輈頸之處費力之所者也云兵車乘車衡圍一尺三寸五分寸之一者田車之衡更無別文亦應與兵車乘車同鄭特言此二者都無正文且據尊者而言其田車之衡任亦當同也衡長六尺六寸五尺得一尺又以尺五寸得三寸又以一寸者為五分得一分故云衡圍一尺三寸五分其軫間以其一為之軸圍注軸圍亦一尺三寸五分寸之一與衡任相應疏

注釋曰上輿人云輪

崇車廣衡長參如一則軫間即車廣與衡長俱六尺六寸以六尺六寸五分取一與衡任同故軸圍亦一尺三寸五分寸之一十分其軾之長以其一為之當兔之圍與衡任相應也

注軾當伏兔者也亦圍尺四寸五分寸之二與任正者

相應疏

注釋曰當兔謂輿下當橫軸之處亦通計軾之軌前及隧總計一文四尺四寸十分取一故軾

之伏兔之處麤細之圍有一尺四寸五分寸之二與相應也

參分其兔圍去一以為

頸圍注頸前持衡者圍九寸十五分寸之九疏

注釋曰衡在軾

頸之下其頸於前向下持制衡鬲之輔故云頸前持衡轅者也云圍九寸十五分寸之九者以前當兔圍有一尺四寸五分寸之二今以一尺二寸三分之去四寸得八寸又以一寸者分為十五分二寸為三十分又以五

分寸二者為六分并三十分為三十六分三十分去十分得二十分六分者去二分得四分總得二十四分以十五分為一寸仍有九分在添前八寸總九寸十五分寸之九也五分其頸圍去一以

為踵圍注踵後承軫者也圍七寸七十五分寸之五十

一疏

注釋曰軾後承軫之處似人之足附在後名為踵故名承軾處為踵也還以上注九寸十五分寸之

九計之取五寸去一寸得四寸仍有四寸九分在一寸為七十五分寸四寸為三百分寸又以上注九寸十五分寸之九者轉為四十五分寸三百分寸去一去六十分得二百四十分四十五分寸者五九四十五為五十分十五分寸之九去一九得三十六分并前總二百七十六分還以七十五分寸約寸取二百二十五分為三寸添前四寸為七寸餘有五十一是以鄭云圍七寸凡揉軾欲其孫而無弧深七十五分寸之五十一也



注孫順理也杜子春云弧讀為淨而不汙之汙玄謂弧

木弓也凡弓引之中參中參深之極也揉轉之倨句如

二可也如三則深傷其力音義

孫音遜注同弧音胡杜音烏汙李音烏一音紆

疏釋曰言揉者以火揉使曲也欲其孫者欲使順理揉

之云無弧深者無得如弓之深弓之深大曲也注釋

曰玄謂弧木弓也者見於三倉六弓皆是角反張者也

易云弦木為弓是木弓也云凡弓引之中參中參深之

極也若弓之下制六尺引之三尺是中參深之極也云

如二可也若六尺引二尺若然九尺得三尺則是弓一

尺得三寸三分寸之一轉軌以前十尺國馬之轉深四

尺七寸與二不相當者通計一文四尺四寸并輿下數

之故得二也二者輟總長丈四尺四寸且取丈二尺得

四尺餘二尺四寸復得八寸總為四尺八寸是國馬之

輶猶不滿二之數也言二舉大而言

今夫大車之輶擊其登又難既克其

登其覆車也必易此無故惟輶直且無撓也注大車牛

車也擊輶也登上阪也克能也音義

夫音符擊竹二反覆芳服反易以鼓

反下注之易喻易同輶音周一音疏

釋曰攻木之工有七輪人與人造四

馬車自上以來所陳者是也車人造大車柏車羊車是

駕牛車自在下車人今於此說大車者但輶人造輶主

為四馬車輶因說駕牛者亦須曲撓之意是以下文云

是故輶欲順輿已下還說四馬之輶也此一經說牛車

輶不撓之意注釋曰知大車牛車也者車人大是故大

車柏車皆牛車又下文云縊其牛故知牛車也是故大

車平地既節輶擊之任及其登阨不伏其輶必縊其牛

此無故唯轅直且無撓也注阨阪也故書伏作偪杜子

春云偪當作伏音義

緇一臂反劉一計反偪音逼

故登阨者偪任者

也猶能以登及其下阨也不援其邸必緇其牛後此無

故唯轅直且無撓也注偪任用力偪也故書緇作鯁鄭

司農云鯁讀為緇關東謂紂為緇鯁魚字音義

援音袁邸丁禮

反緇音秋鯁

疏

注釋曰云故書緇作鯁先鄭云鯁讀為

音秋與緇同

緇關東謂紂為緇者按方言本紂自關

而東韓鄭汝穎而東謂之為鯁或謂之為曲綸自關而

西為紂云鯁魚字者破故書為鯁也字猶名也既鯁是

從魚名明不是故

輟欲頤典注頤典堅刃貌鄭司農云頤

讀為懇典讀為殄駟馬之轅率尺所一縛懇典似謂此

也音義

願苦很反典音殄又勅殄反注同

疏

注釋曰此已下還說四馬車轅也先鄭云四馬之轅

率一尺所一縛者此即詩五檠梁輶一也輶深則折淺則負注揉之大深傷

其力馬倚之則折也揉之淺則馬善負之音義

倚於綺反疏

注釋曰揉之太深則如上弧深云馬倚之則折也者馬不倚深亦不折故以馬倚之乃折云揉之淺則馬善負之者輶直似在馬背負之相似故善輶注則利準利準

則久和則安注故書準作水鄭司農云注則利水謂輶

脊上雨注令水去利也玄謂利水重讀似非也注則利

謂輶之揉者形如注星則利也準則久謂輶之在輿下

者平如準則能久也和則安注與準者和人乘之則安

音義

準音水又如字下及注皆同重直用反又直龍反

疏

注釋曰依後鄭讀當云輶注則利也準則

久也和則安也利準不重讀先鄭依故書準為水解之後鄭不從者輶輶之上縱不為雨注水無停處故不從也後鄭云輶之揉者形如注星則利也者此無正文亦是後鄭以意解之輶注謂形勢似天上注星車之利也云準則久者準平也亦水之類故以準為平解之云輶之在輿下者平如準者輶平輿亦平平則穩故得長久也云和則安注與準者和人乘之則安者注謂輶曲中以前準謂在輿下前後曲直調和則人乘之安穩安知據人者見下文云終日馳騁左不倦又輶欲弧而無折云終歲御衣衽不做是安據人可知也

經而無絕注揉轉大深則折也經亦謂順理也疏

注釋曰云

轉欲弧而無折者按上文云孫而無弧深此云欲弧而無折者此欲得如弧無使折無使折則不弧深亦一也此云經而無絕即上文欲其孫亦一也故鄭云經亦謂順理也進則與馬謀退則與人

謀注言進退之易與人馬之意相應馬行主於進人則

有當退時疏

注釋曰車是無情之物人馬則有情有

一取皆是喻其利也故鄭云言進退之易與人馬之意相應云馬行主於進人則有當退時者馬之進退由人縱止恐策及之惟知其進故云馬行主於進人終日馳則有當退時去住自由路遠則倦故當有退時

騁左不捷注杜子春云捷讀為蹇左面不便馬苦蹇轉

調善則馬不蹇也書捷或作券玄謂券令倦字也翰和

則久馳騁載在左者不罷倦尊者左音義捷杜音蹇鄭音倦便

婢面反疏注釋曰子春意據軍將乘車之灋將在中故御者在左捷為蹇溢解之四馬六轡在御之

手而不在中央在於左故云左面不便馬苦蹇翰調善則馬不蹇也云書捷或作券玄謂令倦字也者以為尋

常在國乘車之灋尊在左御者中央故取上文和安解之言翰和而久馳騁載在左者不罷倦尊者在左者曲

禮云乘君之乘車不敢曠左左必式注云君存惡空其位是尊者左也行數千里馬不契

需注鄭司農云契讀為爰契我龜之契需讀為畏需之

需謂不傷蹄不需道里音義契苦結反注同需音須又乃亂反注同疏注

曰云先鄭云契讀為爰契我龜之契者詩之文也需讀為畏需之需謂從易需卦之需終歲御衣

衽不敝注衽謂裳也音義

衽而甚反疏又而鳩反

注釋曰禮記深衣續衽鉤邊者

據在旁屬帶處至於問喪云扱上衽及曲禮云苞屨扱衽不入公門此皆據深衣十二幅要間之裳皆是衽故

此注云衽謂裳也

此唯轉之和也注和則安是以然也謂進則

與馬謀而下疏

注釋曰總結上進則與馬謀已下四經四者皆由轉和

勸登馬力

注登上也轉和勸馬用力馬力既竭轉猶能一取焉注

馬止轉尚能一前取道喻易進良轉環濶自伏兔不至

軌七寸軌中有濶謂之國轉注伏兔至軌蓋如式深兵



車乘車式深尺四寸三分寸之二滴下至軌七寸則是

半有滴也輶有筋膠之被用力均者則滴遠鄭司農云

滴讀為滴酒之滴環滴謂漆沂鄂如環音義

滴子召反李音在學

反被皮寄反沂魚斤反鄂五各反

疏

注釋曰經云自伏兔不至軌七寸者是從內向外之言更云軌中有

滴者滴謂漆則七寸外軌內乃有滴云伏兔至軌蓋如式深者伏兔銜車軸在輿下短不至軌軌即輿下三面

材是也無伏兔處去軌遠近無文以意斟酌經云自伏兔不至軌七寸明七寸之外更有寸數故鄭云伏兔至

軌蓋如式深也即引兵車乘車式深一尺四寸三分寸之二為證此數即上云隧四寸三分一在外以掾其式

是也若然自伏兔至軌亦一尺四寸三分寸之二如是輶輶之深入式下半一尺四寸三分寸之二有七寸三

分寸之一直言半有濇者據七寸不言三分寸之一舉全數而言也言用力均者則濇遠者用力均謂軌前十尺并入式下曲直皆用力則漆入式下七寸是濇遠也先鄭讀濇為濇酒之濇者讀從士冠禮若不醴濇用酒之濇也云環濇謂漆沂郛如環者指謂漆之文理也軫之方也以象地也蓋之圓

也以象天也輪輻三十以象日月也蓋弓二十有八以

象星也注輪象日月者以其運行也日月三十日而合

宿疏

釋曰此言總結上車及蓋取象之意云軫之方也以象地也者據輿方而言不言輿言軫者軫是輿

之本故舉以言之云蓋之圓也以象天也者即上輿人所造者也云以象星者星則二十八宿一面有七角亢之等是也若據日月合會於其處則名宿亦名辰亦名次亦名房也若不據會宿即指星體而言星也注釋曰



火中可種黍菽及春秋火出皆此大火一也東方木色  
蒼東方七宿畫為龍故曰蒼龍日月季秋會於此星則  
曰宿角亢氐房心尾箕次比言之則曰心故云大火蒼  
龍宿之心也云其屬有尾尾九星者是九旂所象也言  
九旂若此正謂天子龍旂其上公亦九旂若侯  
伯則七旂子男則五旂大行人所云者是也

鳥旗七

旂以象鶉火也注鳥隼為旗州里之所建鶉火朱鳥宿

之柳其屬有星星七星疏

注釋曰云鳥隼為旗州里之所建司常職文州長中大夫

四命里宰下士一命皆不得建此七旂之旗言州里建旗者亦取彼成文以釋旗非謂州里得建七旂也云鶉火朱鳥宿之柳其屬有星星七星者南方七宿畫為鶉畫為鳥火色朱日月六月會於柳故云宿之柳也云其屬有星星七星者月令云旦七星中是也不指七星言柳乃云其屬有星者當鶉火三星柳為首故先舉其首

後言其屬也若然上心與尾別辰心非尾之首亦舉  
心後言其屬尾者心為大辰雖非本辰亦為其首也熊

旗六旂以象伐也注熊虎為旗師都之所建伐屬白虎

宿與參連體而六星音義

伐如字劉扶廢反參色林反

疏

注釋曰云熊虎為旗

師都之所建者亦司常職文云伐屬白虎宿與參連體而六星者西方七宿畫為虎金色白孟夏日月會則曰宿參伐六星為上下是連體也師都鄉遂大夫也鄉大夫雖是六命即得建六旂遂大夫是中大夫四命即不得建六旂此亦龜蛇四旂以象營室也注龜蛇為旂縣謂天子所建也

鄙之所建營室玄武宿與東壁連體而四星音義

壁壁音

疏

注釋曰龜蛇為旂縣鄙之所建者亦司常職文縣正雖是下大夫四命鄙師上士三命即不得建四旂此

亦謂天子所建也云營室玄武宿者玄武龜也有甲能禦捍故曰武水色玄孟春日月會故曰宿云與東壁連體而四星者營室是北方七宿室在東壁在西壁而言東壁者據十月在南方壁在東故云東壁也此星一名室壁一名營室一名水春秋傳云水弧旌枉矢以象昏正而裁是也一名定定之方中是也

弧也注觀禮曰侯氏載龍旂弧韜則旌旗之屬皆有弧

也弧以張綦之幅有衣謂之韜又為設矢象弧星有矢

也妖星有枉矢者蛇行有尾因此云枉矢蓋畫之音義

韜音獨綦所銜反本疏釋曰云弧旌者弧弓也旌旗有又作綦同為于偽反弓所以張綦幅故曰弧旌也云

枉矢者就旌旗張綦弓上亦畫枉矢於上云以象弧也者象天上弧星弧星則矢星也注釋曰引觀禮侯氏載

弧韜而云旌旗之屬皆有弧者按司常云全羽為旌析羽為旌則無絳幅可張而云旌旗之屬皆弧者此二者無弧而云之屬者舉衆而言謂若司常注云九旗之帛皆用絳亦舉衆而言也云有衣謂之韜者韜韜也以衣韜其弓謂之弓韜月令帶以弓韜是也云又為設矢象弧星有矢也者天上弧星有枉矢即引孝經緯枉矢者蛇行有尾因此云枉矢蓋畫之知畫之者以其弓所以張幅幅非弦不可著矢故畫於絳上也按孝經援神契云枉矢所以射慝謀輕考異郵曰枉矢狀如流星蛇行有尾又天文志曰枉矢類大流星蛇行而蒼黑長數尺

攻金之工築氏執下齊冶氏執上齊鳧氏為聲橐氏為量段氏為鑄器桃氏為刃注多錫為下齊大刀削殺矢鑒燧也少錫為上齊鍾鼎斧斤戈戟也聲鍾鐸于之屬

量豆區鬴也。鬴器田器錢鬴之屬。刃大刀刀劍之屬。音

義。齊才細反。下及注皆同。段丁亂反。削如字。李音笑。疏

下同。燧音遂。鐔音淳。區烏侯反。鬴音輔。錢子淺反。

釋曰：此經與下為目。云築氏執下齊治氏執上齊者，據下文六等言之。四分已上為上齊，三分以下為下齊。築氏為削，在二分中。上仍有三分，大刀之等亦是下齊。若然，築氏於下齊三等之內，於此舉中言之。鳧氏為聲，按鳧氏為鍾，此言聲者，鍾類非一。故言聲以包之。故注云：聲鍾鐔于之屬。桃氏為刃，按下文桃氏為劍，此言刃變言之者，亦是劍類。非一，故注云：刃大刀刀劍之屬也。注釋曰：云多錫為下齊者，據下文參分其金而錫居其一，謂之大刀之齊。云削殺矢者，即下文云五分其金而錫居二，謂之削殺矢之齊是也。云鑿燧也者，即下文金錫半，謂之鑿燧之齊是也。云少錫為上齊，鍾鼎斧斤戈戟也者，即上文四分其金而錫居一，謂之戈戟之齊已上。



皆是上齊若然見氏入上齊桃氏入下齊其栗氏為量  
段氏為鑄器亦當入上齊中云量豆區鬴也者左氏傳  
晏子云齊舊四量豆區釜鍾四升為豆四豆為區各自  
其四以登於釜釜十則鍾云鑄器田器錢鑄之屬者詩  
云序乃錢鑄注云錢鈹錢鑄是也云刃大刀  
刃刀劍之屬者桃氏為劍及刀皆大刀也 金有六齊注  
目和金之品數六分其金而錫居一謂之鍾鼎之齊五  
分其金而錫居一謂之斧斤之齊四分其金而錫居一  
謂之戈戟之齊參分其金而錫居一謂之大刀之齊五  
分其金而錫居二謂之削殺矢之齊金錫半謂之鑒燧  
之齊注鑒燧取水火於日月之器也鑒亦鏡也凡金多

錫則忍白且明也音義

忍音刀

疏

釋曰上文築氏執上齊今於此文

戈戟之齊在四分其金而錫居一之中則此已上六分其金與五分其金在上齊中參分其金以下為下齊中可知其斧斤在上齊上齊中惟有冶氏造戈戟則斧斤亦當治氏為之矣注釋曰云取水火於日月之器也若司烜氏職文云凡金多錫則刃白且明也者刃白據大刀以下削殺矢等鑿入且明之內

築氏為削長尺博寸合六而成規注今之書刀疏

釋曰鄭云

今之書刀者漢時蔡倫造紙蒙恬造筆古者未有紙筆則以削刻字至漢雖有紙筆仍有書刀是古之遺法也若然則經削反張為之若弓之反張以合九合七合五成規也此書刀亦然馬氏諸家等亦為偃曲却刀也

欲新而無窮注謂其利也鄭司農云常如新無窮已敝

盡而無惡注鄭司農云謂鋒鏑俱盡不偏索也玄謂刃

也脊也其金如一雖至敝盡無瑕惡也音義

鏑五各反

冶氏為殺矢刃長寸圍寸鋌十之重三垸注殺矢與戈

戟異齊而同其工似補脫誤在此也殺矢用諸田獵之

矢也鋌讀如麥秀鋌之鋌鄭司農云鋌箭足入橐中者

也垸量名讀為九音義

鋌徒頂反垸音凡齊才細反橐古老反

疏

注釋曰云殺矢

與戈戟異齊而同其工者按上文戟在上齊內殺矢在下齊中是異齊今此同工不可也云似補脫誤在此也者按下矢人自造八矢殺矢彼已有此亦有是彼脫漏有人於彼補脫訖更有人補於此是誤在此也云殺矢

用諸田獵之矢也者司弓矢職文先鄭直云坑量名讀為九者其坑是稱兩之名非斛量之號又讀為九未知欲取何義後鄭引之在下者以其坑之度量其名未聞無以破之故引之在下也

戈廣二寸內

倍之胡三之援四之注戈今句予戟也或謂之雞鳴或

謂之擁頸內謂胡以內接秘者也長四寸胡六寸援八

寸鄭司農云援直刃也胡其子音義

句古侯反下句兵同秘音祕

疏

釋曰戈廣二寸者據胡寬狹云內倍之者據胡下柄入處之長胡三之據胡之長援四之據最上刺刃之長也注釋曰據此上下文戈與戟別而鄭云戈今句予戟云戈戟共為一者據漢灋而言漢特見橫胡之句予戟云或謂之雞鳴者以其胡似雞鳴故也云或謂之擁頸者以其胡曲故謂之擁頸有此數名也云內謂胡以內接秘

者即柄也 已倨則不入已句則不決長內則折前短內則不

疾注戈句兵也主於胡也已倨謂胡微直而邪多也以

啄人則不入已句謂胡曲多也以啄人則創不決胡之

曲直鋒本必橫而取園於磬折前謂援也內長則援短

援短則曲於磬折曲於磬折則引之與胡竝鉤內短則

援長援長則倨於磬折倨於磬折則引之不疾音義

似邪

嗟反啄丁角反橫劉華疏釋曰此經論戈之所用主於

孟反又如字折之設反胡故此經言胡之四疾之事

注釋曰云戈句兵也者下文廬人云句兵欲無彈鄭注

云句兵戈戟屬是戈為句兵以其有胡牙故為句兵也

云主於胡也者以胡為主言此者欲見此經戈不說援  
專言胡之意也此經已皆為大也已倨謂胡頭大舒故  
云胡微直而邪多也已句謂胡曲多者謂胡大橫也云  
以啄人則創不決者橫則擁不削物故創不決也云胡  
之曲直鋒本必橫而取圜於磬折者胡矛橫捷微邪向  
上不倨不句似磬之折殺也云前謂援也者以其援在  
上故云前云內長則援短者按上文內倍之四寸援曲  
之八寸竝有定數若胡內長則胡向上侵援無八寸  
故云內長則援短援短則曲於磬折曲於磬折者由胡  
向上近援胡頭低胡頭低則曲於磬折也胡既與援  
相近故援共胡竝鉤竝鉤則援折故云折前也云內短  
則援長者胡內本四寸今胡近下為之胡下無四寸故  
倨於磬折者以其由胡近下安之則頭舒頭舒則倨於  
磬折也以頭舒是故倨句外博注博廣也倨之外胡之  
故引之不疾

裏也句之外胡之表也廣其本以除四病而使用也俗

謂之曼胡似此音義

曼婢面反  
莫干反

疏

釋曰此經為除上四  
疾而生此文故云是

故謂起上義也注釋曰云倨之外胡之裏也句之外胡  
之表也者倨謂胡上句謂胡下倨與句皆有外廣故云  
倨之外胡之裏謂於胡下近本增之使廣句之外胡之  
表謂於胡上近本增之使廣若然則胡本上下俱寬自  
然合於磬折無上四疾而使用矣云俗謂之曼胡似此  
者由胡外廣而本寬曼胡然俗呼為曼胡似此經所云  
者也按莊公四年左氏傳楚武王荆尸授師子馬以伐  
隨注云子句牙凡戟而無刃秦晉之間謂之子或謂之  
饒吳揚之間謂之伐東齊秦晉之間其重三錡注鄭司  
大者謂之曼胡其曲者謂之句牙曼胡

農云錡量名也讀為刷玄謂許叔重說文解字云錡鏃

也今東萊稱或以大半兩為鈞十鈞為環環重六兩

半兩鑊鈔似同矣則三鈔為一斤四兩音義

鈔色劣反又音劣或

音環鑊戶關反又

疏

注釋曰先鄭讀鈔為刷取音同後鄭引許叔重說文解字云鈔鑊也

者尚書呂刑有墨罰疑赦其罰百鑊及大辟千鑊許氏以此鈔與尚書鑊為一云今東萊稱或以大半兩為鈞

十鈞為環環重六兩大半兩鑊鈔似同矣者鈔鑊輕重無文故王肅之徒皆以六兩為鑊是以鄭引許氏及東

萊稱為證也云大半兩為鈞者凡數言大者皆三分之二為大三分之一為少以一兩二十四銖十六銖為大

半兩也云十鈞為鑊者鑊則百六十銖二十四銖為兩用百四十四銖為六兩餘十六銖為大半兩是銖有六

兩大半兩也云鑊鈔似同矣者此從許君之說

戟廣寸有半寸內三之胡四之



援五之倨句中矩與刺重三錡注戟今三鋒戟也內長

四寸半胡長六寸援長七寸半三錡者胡直中矩言正

方也鄭司農云刺謂援也立謂刺者著秘直前如鐔著

也戟胡橫貫之胡中矩則援之外句磬折與音義

仲丁反

注同刺七賜反注同著直畧反疏注釋曰鄭知此戟三

鐔祖悶反劉祖悶反折與音餘

鋒者見此經言援言

胡又言刺又按上文戈廣二寸援及接秘長一尺二寸

胡長六寸重三錡此戟廣寸半援及接秘亦長尺二寸

胡長六寸狹於戈半寸亦重三錡明知刺與援別為三

鋒矣云三錡者胡直中矩言正方也者經云倨句中矩

鄭云胡中矩則倨句不中矩謂援為磬折故為倨句也

先鄭云刺謂援也後鄭不從者經上言援及胡下別言

刺明刺與援別若不三鋒輕於戈不得同重三鋒也玄  
謂刺者著秘直前如鑄者也者謂於援胡之橫上中使  
出者也但長短無文蓋與胡同六寸乃可充三鋒之數  
也云戟胡橫貫之者胡六寸橫貫三寸直下三寸云胡  
中矩則援之外句磬折與者援七寸半亦以三寸為橫  
稍舉之使不中矩以四寸半者向上為磬折磬折向外  
故云外句言與者以經直言倨句中矩鄭以意分中矩  
於胡似倨句於援上為磬折故云與以疑之也若然讀  
經倨句上屬必知三鋒胡向下者三鋒皆  
向上者無用故廬人注句兵戈戟屬也

桃氏為劔臘廣二寸有半寸注臘謂兩刃音義

臘力闔  
反音獵

李魯疏

注釋曰此劔兩刃與今同短則與  
今異言兩刃者兩面各有刃也

兩從半之注

鄭司農云謂劔脊兩面殺趨鏐疏

注釋曰謂劔脊兩面  
殺趨鏐鏐即鋒兩廂

俱然故云兩也以其臘廣為之莖圍長倍之注鄭司農云莖謂

劍夾人所握鐔以上也玄謂莖在夾中者莖長五寸音

義

莖戶耕反夾古協反又古洽反下同鐔戚音淫徐劉音尋一音徒南反

疏

注釋曰二鄭意劍夾是柄

莖又在夾中即劍鐔是也倍上臘二寸半故五寸也

中其莖設其後注鄭司農云

中謂穿之也玄謂從中以卻稍大之也後大則於把易

制音義

把劉音霸戚必雅反易以鼓反

疏

注釋曰先鄭云穿之謂穿劍夾內莖於中故云中其莖後

鄭意設訓為大故易繫辭云益長裕而不設鄭注云設大也周禮考工曰中其莖設其後故云從中以卻稍大之後大則於把易制也

參分其臘廣去一以為首廣而圍之注首

圍其徑一寸三分寸之二疏

注釋曰此首廣謂劍把接刃處之徑也臘廣二寸半

參分去一二寸以一寸為六分二寸為十二分半寸為三分添十二為十五分三分去一得十分取六分為一寸餘四分名為六分寸之四六分寸之四即三分寸之二故云一寸三分寸之二也而圍之者正謂圍之故廬人皆以圍身長五其莖長重九錡謂之上制上士服之為圍之也

身長四其莖長重七錡謂之中制中士服之身長三其莖長重五錡謂之下制下士服之注上制長三尺重三斤十二兩中制長二尺五寸重二斤十四兩三分兩之二下制長二尺重二斤一兩三分兩之一此今之匕首

也人各以其形貌大小帶之此士謂國勇力之士能用  
五兵者也樂記曰武王克商裨冕搢笏而虎賁之士說

劔音義

裨婢支反劉音卑笏音忽賁音奔說吐活反劉詩悅反

疏

注釋曰知上制長三尺者以其

言五其莖長上文長倍之莖長五寸五其莖長二尺五寸并莖五寸為三尺也以下皆如此計之可知重三斤十二兩者以其言九銖銖別六兩六兩六九五十四為五十四兩九銖皆有六兩兩銖別有十六銖為百四十兩十六兩為一斤取四十八兩為三斤餘十二兩故云重三斤十二兩已外皆如此計之亦可知也云此今之匕首也若漢時名此小劔為匕首也云人各以形貌大小帶之解經上士中士下士非謂三命為上士之屬直以據形長者為上次者為中短者為下士云此士謂

國勇力之士能用五兵者也者此司右文彼不言勇力之士用劔而言勇力士者以樂記說劔之事知之故引之為證也武王克商在軍皆韋弁韋弁兵服克商還皆裨冕裨冕則五冕各以尊卑服之而助祭於明堂虎賁之士即勇力之士者也

鳧氏為鍾兩藥謂之鈇注故書藥作樂杜子春云當為

藥書亦或為藥鈇鍾口兩角音義

藥本又作鸞力疏注端反鈇先典反疏釋

曰藥鈇一物俱謂鍾兩角古之樂器應律之鍾狀如今之鈴不圓故有兩角也鈇間謂之于于

上謂之鼓鼓上謂之鉦鉦上謂之舞注此四名者鍾體

也鄭司農云于鍾脣之上祛也鼓所擊處音義

鉦音征祛丘書

反徐丘疏注釋曰云此四名為鍾體對下甬衡非鍾體

也舞上謂之甬甬上謂之衡注此二名者鍾柄音義

勇鍾縣謂之旋旋蟲謂之幹注旋屬鍾柄所以縣之也

鄭司農云旋蟲者旋以蟲為飾也玄謂今時旋有蹲熊

盤龍辟邪音義旋如字李信犬反蹲音存盤疏注釋曰

漢灋鍾旋之上以銅篆作蹲熊及盤龍辟邪辟邪亦獸名古灋亦當然也鍾帶謂之篆篆間

謂之枚枚謂之景注帶所以介其名也介在于鼓鉦舞

甬衡之間凡四鄭司農云枚鍾乳也玄謂今時鍾乳俠

鼓與舞每處有九面三十六音義

篆直疏注釋曰云帶轉反所以介其名

也者介間也言四處則中二通上下畔為四處也舉漢灋一帶有九古灋亦當然鍾有兩面面皆三十六也

于上之擗謂之隧注擗所擊之處擗弊也隧在鼓中窒

而生光有似夫隧音義

擗音靡劉亡奇反又莫賀反隧音遂窒劉烏車反徐於蛙反又

於圭反疏注釋曰有二名者擗據所擊之處擗弊若禮夫音符記云國家靡弊是也隧者據生光而言故引

司烜氏夫隧彼隧若鏡亦生光窒而十分其銑去二以生光者本造鍾之時即窒於後生光

為銑以其銑為之銑間去二分以為之鼓間以其鼓間

為之舞脩去二分以為舞廣注此言銑之徑居銑徑之



八而銑間與鉦之徑相應鼓間又居銑徑之六與舞脩相應舞脩舞徑也舞上下促以橫為脩從為廣舞廣四

分今亦去徑之二分以為之間則舞間之方恒居銑之四也舞間方四則鼓間六亦其方也鼓六鉦六舞四此鍾口十者其長十六也鍾之大數以律為度廣長與圓徑假設之耳其鑄之則各隨鍾之制為長短大小也凡言間者亦為從篆以介之鉦間亦當六今時鍾或無鉦

間音義

從子容反下同

疏

注釋曰此鍾從鼓鉦舞三處上下為十六口徑十而言故鄭云此鍾口十

者其長十六云鍾之大數以律為度廣長與圓徑假設之耳者按周語云景王將鑄無射問律於伶州鳩對曰律所以立均出度古之神瞽考中聲而量量以制度律均鍾韋昭云均平也度律呂之長短以平其鍾和其聲也據此義假令黃鍾之律長九寸以律計身倍半為鍾倍九寸為尺八寸又取半得四寸半通二尺二寸半以為鍾餘律亦如是是以律為廣長與圓徑也此口徑十上下十六者假設之耳其鑄之形則各隨鍾之制為長短大小者此即度律均鍾也凡言間者亦為從篆以介之即所圖者是也云鉦間亦當六此經不言鉦間故鄭言之以其鼓間六舞間四鉦間方六可知經不言以者可知故也今時或無鉦間者見此經無鉦間故也以

其鉦之長為之甬長注并衡數也音義

數色疏注釋曰

數以其衡不言其長又以鉦長六為甬長大長不類故并衡數也

以其甬長為之圍參

分其圍去一以為衡圍注衡居甬上又小疏

注釋曰以自兩藥已

上至甬皆下寬上狹衡又在甬上故宜小於甬一分故三分去一為衡也

參分其甬長二在

上一在下以設其旋注令衡居一分則參分旋亦二在

上一在下以旋當甬之中央是其正疏

注釋曰上文惟以其鉦之長為

甬長并衡數則未知衡與甬長短之定故云令衡居一分假令三分甬居二衡居一一則於甬中央下有一分上通衡有二分故云令衡居一分則參分旋亦二在上一下在下以旋當甬之中央是其正正謂上有二分下有

一分薄厚之所震動清濁之所由出侈弇之所由興有

說注說猶意也故書侈作移鄭司農云當為侈音義

說徐

始銳反疏釋曰此鍾薄厚之所震動由鍾體薄厚出聲

注同震動有石有播也云清濁之所由出者清濁

據聲亦由鍾之厚薄云侈弇之所由與者由鍾口侈弇

所興之聲亦有作有鬱按典同病鍾有十等此但言薄

厚侈弇者典同具陳於此畧言其意言有鍾已厚則石

意者即下文已厚已薄不得所之意是也

注大厚則聲不發音義大音泰劉他疏注釋曰典同已

薄則播注大薄則聲散疏注釋曰典同云薄聲甄鄭云

以聲散侈則柞注柞讀為咋咋然之咋聲大外也音義

則掉也柞側百反疏注釋曰典同注云侈則聲迫

注咋同疏注釋曰典同注云侈則聲迫

不舒揚疏注釋曰典同注云聲鬱勃不

出與此注不舒揚亦一也

長甬則震注鍾

掉則聲不正音義

掉徒弔反

疏

注釋曰典同云薄聲甄甄猶掉也謂聲掉者據鍾形薄則

聲掉此不據鍾體據甬長縣之不得所則鍾掉故聲不正也

是故大鍾十分其鼓間

以其一為之厚小鍾十分其鉦間以其一為之厚注言

若此則不石不播也鼓鉦之間同方六而今宜異又十

分之一猶大厚皆非也若言鼓外鉦外則近之鼓外二

鉦外一音義

近附近之近

疏

注釋曰云鼓鉦之間同方六者據上圖可知言今宜異者此鍾

有大小不同明厚薄宜異不得同取六也云又十分之一猶大厚皆非也若言鼓外鉦外則近之者鄭不敢正言是故云近之云鼓外二鉦外一者據上所圖鼓外有鉦間乃鉦外有二間鉦外唯一間就外中十分之一為

鍾厚可也。鍾大而短則其聲疾而短聞，注淺則躁躁易竭也。

音義

聞音問下同易以鼓反

鍾小而長則其聲舒而遠聞，注深則

安安難息疏

釋曰此二者於樂器中所擊縱聲舒而遠聞亦不可是以樂記云止如槁木不欲遠

聞之驗也故鄭云深則安安難息也

為遂六分其厚以其一為之深而圓

之注厚鍾厚深謂窒之也其窒圓故書圓或作圉杜子

春云當為圓疏

釋曰此遂謂所擊之處初鑄作之時即已深而圓以擬擊也

栗氏為量改煎金錫則不耗注消凍之精不復咸也栗

古文或作歷玄謂量當與鍾鼎同齊工異者大器音義

凍音練下同復扶又反咸洽疏注釋曰言改煎金錫者

斬反本亦作減齊才計反

如重煎謂之改煎也不

耗耗減也故鄭云消凍之精不復減也玄謂量當與鍾

鼎同齊工異者大器者按上文云鳧氏為磬臬氏為量

六等之中云六分其金而錫居其一謂之鍾鼎之齊是

上齊中不言臬氏為量在上齊中鄭以鳧氏為鍾鍾鼎

在上齊之中臬氏為量量是鍾類故知亦在上齊之中

矣故云量當與鍾鼎同齊也云工異者鳧氏為鍾不使

鳧氏兼造量器大雖同齊使別工為之不耗然後權之注權謂稱分之也

雖異灋用金必齊音義

稱尺疏注釋曰云稱分之也者

鑄器也云雖異法用金必齊者法謂模假令為兩箇

即為兩箇模是異法用金必齊者器之用金多少必須

齊均權之然後準之注準故書或作水杜子春云當為

水金器有孔者水入孔中則當重也玄謂準擊平正之

又當齊大小疏

注釋曰子春從故書為水謂以水齊器後鄭不從者此金未鑄器何得已有器

以盛水也後鄭以準為平前經已稱知輕重然後更擊鍛金令平正之齊其金之大小也

準之然後

量之注鑄之於法中也量讀如量人之量疏

注釋曰此量謂既準

訖量金汁以入模中鑄作之時也言量讀如量人之量者夏官量人直以量地遠近及物多少此量是量金少多之事故量之以為鬴深尺內方尺而圓其外其實一

讀從之也

鬴注以其容為之名也四升曰豆四豆曰區四區曰鬴

鬴六斗四升也鬴十則鍾方尺積千寸於今粟米灋少



二升八十一分升之二十二其數必容鬴此言內方耳

圓其外者謂之脣疏

釋曰言量之以為鬴者謂量金汁入模以為六斗四升之鬴云深尺

內方尺者此據模之形狀云圓其外者謂向下方尺者鬴之形向上謂之外遠口圓之又厚之以為脣云其實一鬴受六斗四升也注釋曰云以其容為之名也者此量器受六斗四升曰釜因名此器為鬴故云以其容為之名也云四升曰豆已下至則鍾左氏傳昭三年齊晏子辭連引豆區釜鍾者以其四者皆量器之名也云方尺積千寸者云方尺者上下及旁徑為方尺縱橫皆十破一寸一截一截得方寸之方百十截則得千寸也又云於今粟米法者算術有算粟為米之法故云粟米法也算法方一尺深尺六寸二分容一石如前以縱橫十截破之一方有十六寸二分容一升百六十二寸容一斗千六百二十寸容一石今計六斗四升為釜以百六

十二寸受一斗六斗各百為六百六斗各六十六六三  
十六又用三百六十六斗又各二寸二六十二又用十  
二寸總用九百七十二寸為六斗於千寸之內仍有二  
十八寸在於六斗四升曰滿又少四升未計入今二十  
八寸取十六寸二分為一升添前為六斗一升餘有十  
一寸八分又取一升分為八十一分以十六寸二分一  
寸當五十分十寸當五十分又有六寸五六三寸又當三  
十分添前為八十分是十六寸當八十也仍有十分寸  
之二當一分都并十六寸二分當八十一分如是十一  
寸八分於八十一分當五十九更得八十一分升之二  
十二分始得一升添前為六斗二升  
復得二升乃滿六斗四升為滿也 其醫一寸其實一

豆注故書醫作屑杜子春云當為醫謂覆之其底深一

寸也音義

醫徒門反徐劉徒恩反覆方服反

疏

釋曰此謂滿之底著地者故子春云覆之其底

深一寸也其耳三寸其實一升注耳在旁可舉也疏

釋曰此

在旁可舉謂人以手指舉之處云實一升亦謂覆之所受也

重一鈞注重三十斤疏

注釋曰此據律歷志三十斤曰鈞百二十斤曰石

其聲中黃鍾之宮注應律之

首音義

中丁仲反應應對之應

疏

注釋曰十二辰各有律十二律以黃鍾為初九故擊鼗器之時

其聲中黃鍾之宮也不直言中黃鍾之聲而云之宮者十二辰其變聲辰各有五聲則子上有宮商角徵羽五聲具今之所中者中其宮聲不

槩而不稅注鄭司農云

中商角之等故以宮言之也

令百姓得以量而不租稅音義

槩古反疏

注釋曰按鄭志

量槩而不稅厘人職有稅何答曰官量不稅若然此官量鎮在市司所以勘當諸厘之量器以取平非是尋常

所用故不稅彼屋人其銘曰時文思索允臻其極注銘

所稅在肆常用者也刻之也時是也允信也臻至也極中也言是文德之君

思求可以為民立法者而作此量信至於道之中音義

索所白反求也臻

疏釋曰自此至維則是黼器之上銘

側巾反為于偽反

文注釋曰云刻之者正謂在模上

刻之非謂在器上

刻嘉量既成以觀四國注以觀示四

今之鍾鼎為文亦爾

方使放象之音義觀古亂反示也又如

永啓厥後茲器

維則注永長也厥其也茲此也又長啓道其子孫使法

則此器長用之音義

導道音

凡鑄金之狀注故書狀作壯

杜子春云當為狀謂鑄金之形狀疏

釋曰此文與下為目自金與錫已下

巢氏鑄治所候煙氣以知生熟之節

金與錫黑濁之氣竭黃白次之黃白

之氣竭青白次之青白之氣竭青氣次之然後可鑄也

注消涑金錫精麤之候

段氏闕

函人為甲犀甲七屬兕甲六屬合甲五屬注屬讀如灌

注之注謂上旅下旅札續之數也草堅者札長鄭司農

云合甲削草裏肉但取其表合以為甲音義

屬之樹反下及注同

合如字舊疏

注釋曰云屬讀如灌注之注者意取注著音閣注同疏之意也云上旅下旅札續之數也者謂上

旅之中及下旅之中皆有札續一葉為一札上旅之中續札七節六節五節下旅之中亦有此節故云札續之

數也云草堅者札長者則五屬者以其堅壽年多即下經三百年者也

犀甲壽百年兕甲

壽二百年合甲壽三百年注草堅者又支久凡為甲必

先為容注服者之形容也鄭司農云容謂象式疏

注釋曰凡

造衣甲須稱形大小長短而為之故為人之形容乃制革也

然後制革注裁制札之

廣袤疏

注釋曰上旅七節六節數已定更觀人之形容長大則札長廣短小則札短狹故云裁制札

之廣袤廣即據橫而言袤即據上下而說也

權其上旅與其下旅而重若一

注鄭司農云上旅謂要以上下旅謂要以下音義

要於反

下疏釋曰謂札葉為旅者以札衆多故言旅旅即衆也

同疏先鄭云上旅腰以上謂衣也下旅腰以下謂裳也

故春秋傳曰棄其甲裳者也以其長為之圍注圍謂札要廣厚疏注

曰此據一札之上先量上下之長乃以長中央圍之一布如此則長短廣狹相稱也凡甲鍛不摯

則不堅已敝則撓注鄭司農云鍛鍛革也摯謂質也鍛

革大孰則革敝無強曲撓也玄謂摯之言致音義鍛丁亂反

摯音至大音泰劉菟餓反致直置反下同疏注釋曰先鄭以摯為質後鄭不稱故後鄭為致致謂孰之至極也凡察革之道眡其鑽空欲其窻也注

鄭司農云窻小孔貌窻讀為菀彼北林之菀音義

鑽作官反

空音孔又如字下同窻

疏注釋曰先鄭云窻小孔貌若

於阮反或云司農音鬱

疏革惡則孔大革善則孔小驗

今亦然讀如菀彼北林之菀者以音讀之

眡其裏欲其易也注無敗菴也音

義

易以豉反下同菴音穢本或作穢

眡其朕欲其直也注鄭司農云朕

謂革制音義

朕直忍反

橐之欲其約也注鄭司農云謂卷置

橐中也春秋傳曰橐甲而見子南音義

橐音羔劉古道反卷眷勉反下

文疏

注釋曰先鄭引春秋者按昭元年左氏傳鄭公孫

同疏黑與子南爭徐吾犯之妹適子南氏子皙怒既而

橐甲而見子南欲殺之彼以衣衷著甲謂之橐與此別引之者彼以衣藏甲為橐此亦以甲衣藏甲為橐藏甲



為橐相似故舉而眊之欲其豐也注豐大疏釋曰此文引以為證也

對舉之正謂於橐中取而舉之夜之欲其無斷也注鄭司農云斷謂如

齒斷音義衣於既反疏注釋曰人之齒斷前却不齊札斷戶界反葉參差與齒斷相似故以斷為

喻眊其鑽空而窻則革堅也眊其裏而易則材更也眊

其朕而直則制善也橐之而約則周也舉之而豐則明

也衣之無斷則變也注周密致也明有光耀鄭司農云

更善也變隨人身便利音義更音庚便婢面反疏釋曰此文歷

總結之也

鮑人之事注鮑故書或作鞞鄭司農云蒼頡篇有鞞

音義

鞞匹學反劉音樸頡戶結反

疏

釋曰此文與下經為總目注釋曰先鄭取蒼頡篇從

故書為鞞字者鮑乃從魚此官治皮宜從革故立引先鄭於此取從革旁之義望而眡之欲其

茶白也注韋革遠視之當如茅莠之色音義

茶音徒莠音酉又音

秀

疏

釋曰此官主革不主韋韋自韋氏為之鄭云韋革者夾句而言耳茶即茅莠也

進而握之

欲其柔而滑也注謂親手煩捫之音義

捫人專反劉而垂反或如詢反

卷而搏之欲其無弛也注鄭司農云卷讀為可卷而懷

之之卷搏讀為縛一如瑱之縛謂卷縛韋革也弛讀為

既建而迤之之迤無迤謂革不麟音義

搏直轉反或除面反下同縛直

轉反瑱他見反本或作顛音同麟音虧又許皮反

疏

注釋曰先鄭云可卷而懷之論語文云搏讀為縛一

如瑱之縛者按昭二十六年左氏傳云以幣錦二兩縛一如瑱

眡其著欲其淺也注鄭

司農云謂郭韋革之札入韋革淺緣其邊也玄謂韋革

調善者鋪著之雖厚如薄然音義

著直畧反下眡其著同札側八反劉側列

反鋪普吳反又音孚著之直畧反又丁畧反

察其線欲其藏也注故書線或

作綜杜子春云綜當為糸旁泉讀為緇謂縫革之縷音

義

線思賤反注緇同

革欲其茶白而疾澣之則堅注鄭司農云

韋革不欲久居水中音義

管反

欲其柔滑而腥脂之則

需注故書需作劓鄭司農云腥讀如沾渥之渥劓讀為

柔需之需謂厚脂之韋革柔需音義

腥於角反劉音屋需人充反注同劓

而髓反又人充反渥於角反

疏

注釋曰先鄭據詩云既沾既渥生我百穀

引而信之欲其

直也信之而直則取材正也信之而枉則是一方緩一

方急也若苟一方緩一方急則及其用之也必自其急

者先裂若苟自急者先裂則是以博為棧也注鄭司農

云棧讀為翦謂以廣為狹也玄謂翦者如棧淺之淺或

者讀為羊豬𦵏之𦵏音義

信音申劉音新下皆同𦵏音踐或山箭反𦵏音踐劉仕顯

反𦵏劉音普見反依字才丹反字林昨善反沈云馬融

音淺干寶為殘與周易𦵏𦵏之字同亦音素干反不知

其義或云字則如沈釋而羊豬𦵏之語未見出處俗謂

羊豬脂為𦵏音素干反豈取此乎按周禮注殘餘字本

多作𦵏宜疏注釋曰先鄭讀𦵏為翦者翦亦是狹少之

依殘音疏意後鄭轉𦵏為𦵏者從小戎詩小戎𦵏收

之𦵏讀為羊豬𦵏者義亦同按彼小戎詩𦵏者淺也謂

車深四尺四寸其車廣六尺六寸是廣深不得是一方

緩一方急以博為卷而搏之而不迫則厚薄序也注序

淺以廣為狹之喻

舒也謂其革均也眡其著而淺則革信也注信無縮緩

察其線而藏則雖敝不𦵏注𦵏故書或作鄰鄭司農云

鄭讀為磨而不磷之磷謂韋革縫縷沒藏於韋革中則

雖敝縷不傷也音義

鄭音各或作

疏

注釋曰先鄭云鄭讀為磨而不磷之

磷者論語孔子辭

韠人為臯陶注鄭司農云韠書或作鞠臯陶鼓木也玄

謂鞠者以臯陶名官也鞠則陶字從革音義

韠況刃反衆家竝音

運鞠音陶

疏

注釋曰先鄭知臯陶鼓木者以上言為臯陶下即云長六尺有六寸鼓木之事明臯

陶即是長六尺六寸者故知也玄謂鞠者以臯陶名官

者依先鄭從鞠為鼓木還以鞠為鞠人之官是臯陶官

名也鞠即陶字從革若然後鄭謂長六尺有六寸左右

鞠人為臯陶不取韠字為官名

端廣六寸中尺厚三寸注版中廣頭狹為穹隆也鄭司

農云謂鼓木一判者其兩端廣六寸而其中夾廣尺也

如此乃得有腹音義

穹起弓反下同

疏

注釋曰先鄭以經論鼓木一判更不言版數多

少而知得有腹者以版兩端廣六寸中廣一尺自然有腹可知

穹者三之一注鄭司農

云穹讀為志無空邪之空謂鼓木腹穹隆者居鼓三之

一也玄謂穹讀如穹蒼之穹穹隆者居鼓面三分之一

則其鼓四尺者版穹一尺三寸三分寸之一也倍之為

二尺六寸三分寸之二加鼓四尺穹之徑六尺六寸三

分寸之二也此鼓合二十版音義

邪似疏注釋曰先鄭

無空邪之空者無所指斥故後鄭讀從穹蒼之穹也先

鄭云穹隆者居鼓三之一也者言猶未足故後鄭增成

玄謂穹讀如穹蒼之穹者謂從詩云以念穹蒼者也云

穹隆者下至合二十版此鄭所言皆從二十版計之乃

得面四尺及穹之尺數經既不言版數知二十版者此

以上下相約可知何者此鼓言版之寬狹不言面之尺

數下經二鼓皆言鼓四尺不言版之寬狹明皆有鼓四

尺乃鼓版之廣狹也若然下二鼓皆云鼓四尺明此鼓

亦四尺據面而言若然鼓木兩頭廣六寸面有四尺二

十版二六十二長丈二尺圍三徑一是一丈二尺得面

徑四尺矣以此面四尺穹隆加三之一三尺加一尺其

一尺者取九寸加三寸其一寸者為三分取一分并之

得一尺三寸三分寸之一也此據一廂而言倍之為二

尺六寸三分寸之二乃知鼓面四尺總為六尺六寸三

寸



分寸之  
二也

上三正注鄭司農云謂兩頭一平中央一平也

玄謂三讀當為參正直也參直者穹上一直兩端又直  
各居二尺二寸不弧曲也此鼓兩面以六鼓差之賈侍

中云晉鼓大而短近晉鼓也以晉鼓鼓金奏音義

參三音七

南反近附  
近之近

疏

注釋曰先鄭據經云三正解之亦得合義  
但不定尺寸之數雖言三平恐平中有長

短故後鄭增成之云三當讀為參正直也參直者穹上  
一直兩端又直各居二尺二寸是三處尺數等是為參

直也云不弧曲也者下韋鼓倨句磬折即弧曲不參直  
故引證此為與彼異也云此鼓兩面若下經二鼓言四  
尺之面此經不言四尺之面故言之對祭祀三鼓四面  
已下云以六鼓差之者鼓人雷鼓祀天靈鼓祭地路鼓

享鬼下二鼓據鼓人賁鼓鼓軍事皋鼓鼓役事惟此鼓經不言其名五鼓已配訖惟有晉鼓當此鼓可知故引賈侍中云晉鼓大而短近晉鼓也此後鄭所解也云晉鼓鼓金奏者鼓人文也鼓長八尺鼓四

尺中圍加三之一謂之鼗鼓注中圍加三之一者加於面之圍以三分之一也面四尺其圍十二尺加以三分

一四尺則中圍十六尺徑五尺三寸三分寸之一也今亦合二十版則版穹六寸三分寸之二耳大鼓謂之鼗

以鼗鼓鼓軍事鄭司農云鼓四尺謂革所蒙者廣四尺

音義

賁扶云反本或作鼓又作鼗皆同

疏

釋曰云鼓四尺者謂鼓面也云中圍加三之一者謂將中

央圓加於面之圓三分之一也注釋曰云面四尺其圓十二尺加以三分一四尺者添四面圍丈二尺為十六尺然後徑之十五尺徑五尺餘一尺取九寸徑三寸取餘一寸者破為三分得一分總徑五尺三寸三分寸一此言中圓加三之一與上穹三之一者異彼據一相之穹加面三之一故兩相加二尺六寸三分寸二此則於面四尺總加三分之一則總一尺三寸三分寸一若然此穹隆校少晉鼓一尺三寸三分寸之一也與彼穹隆異也云今亦合二十版者此經云鼓四尺若不二十版亦不合此數也云則版穹六寸三分寸二者此亦據一相而言云大鼓謂之鼗者鼗訓為大對晉鼓長六尺六寸而言若對下文鼙鼓長丈二尺則彼又大矣云鼗鼓

鼓軍事者

鼓人文

為鼙鼓長尋有四尺鼓四尺倨句磬折注以

鼙鼓鼓役事磬折中曲之不參正也中圓與鼗鼓同以

磬折為異疏

注釋曰云以臯鼓鼓役事者鼓人文磬折中曲之不參正也者磬折若麓處近上故

不得參正也

凡冒鼓必以啓蟄之日注啓蟄孟春之中也蟄

蟲始聞雷聲而動鼓所取象也冒蒙鼓以革

注釋曰云啓蟄孟春

之中也者正月立春節啓蟄中故云中也云蟄蟲始聞雷聲而動者蟄蟲啓戶由聞雷聲是鼓所取象故以此時冒之按月令仲秋云雷乃始收注雷乃收聲在地中動內物則此云孟春始聞雷聲而動者亦謂未出地時故蟄蟲聞之而動至二月即雷乃發聲出地蟄蟲啓戶而出故月令仲春云日夜分雷乃發聲蟄蟲咸動啓戶是也良鼓瑕如積環注革調急也疏

注釋曰瑕與環皆謂漆之文理謂革

調急故然若急而不調則不得然也

鼓大而短則其聲疾而短聞音義

音聞

問下

鼓小而長則其聲舒而遠聞疏

釋曰此乃鼓之病大小得所如上三

者所為則無此病

韋氏

闕

衷氏

闕

畫績之事雜五色東方謂之青南方謂之赤西方謂之白北方謂之黑天謂之玄地謂之黃青與白相次也赤與黑相次也玄與黃相次也注此言畫績六色所象及布采之第次績以為衣疏

釋曰此一經言次次畫於衣之事畫績並言者言畫是總

語以其績繡皆須畫之言績則據對方而言自東方已下是也自言東方謂之青至謂之黃六者先舉六方有六色之事但天玄與北方黑二者大同小異何者玄黑雖是其一言天止得謂之玄天不得言黑天若據北方而言玄黑俱得稱之是以北方云玄武宿也青與白相次已下論績於衣為對方之灋也注釋曰鄭云畫績六色所象者解經地謂之黃已上文云及布采之第次者解經青與白已下文云績以為衣者案虞書云予欲觀古人之象日月星辰山龍華蟲作績是據衣而言績故鄭云績以為衣也

與白謂之章白與黑謂之黼黑與青謂之黻五采備謂

之繡注此言刺繡采所用繡以為裳疏

釋曰此一經皆比方為繡次凡

繡亦須畫乃刺之故畫繡二工共其職也注釋曰云繡以為裳者案虞書云宗彝藻火粉米黼黻絺繡鄭云絺

紕也謂刺繡於裳故鄭云刺以為裳也衣在上陽  
陽主輕浮故畫之裳在下陰陰主沈重故刺之也土以

黃其象方天時變注古人之象無天地也為此記者見

時有之耳子家駒曰天子僭天意亦是也鄭司農云天

時變謂畫天隨四時色疏

釋曰此乃六色之外別增此天地二物於衣故於下特言

之也注釋曰鄭云古人之象無天地也者此據虞書日月已下不言天地云為此記者見時有之耳者古人既

無天地若記者不見時君畫於衣記人何因輒記之為  
經典也子家駒曰天子僭天意亦是也者按公羊傳云

昭公謂子家駒云季氏僭於公室久矣吾欲殺之何如  
子家駒曰天子僭天諸侯僭天子彼云僭天者未知僭

天何事要在古人衣服之外別如此天地之意亦是僭  
天故云意亦是也先鄭云天時變謂畫天隨四時色者

天逐四時而化育四時有四色今畫天之時天無形體當畫四時之色以象天地若然畫土當以象地色也

火以圓注鄭司農云為圓形似火也玄謂形如半環然

在裳音義

環音

疏

注釋曰先鄭云為圓形似火也後鄭云如半環然此亦與先鄭不別增減

之耳孔安國以為火字也與此別也知在裳者虞書藻火已下皆在裳

山以章水以龍注

章讀為獐獐山物也在衣齊人謂麋為獐龍水物在衣

音義

獐音章麋俱倫反

疏

注釋曰馬氏以為獐山獸畫山者并畫獐龍水物畫水者并畫龍鄭即以

獐表山以龍見水此二君皆有一是一非古人之象有山不言獐有龍不言水今記人既有獐有水止可畫山

兼畫獐畫龍兼畫水何有棄本而遵末也

鳥獸蛇

注所謂華蟲也在衣蟲之



毛鱗有文采者疏

注釋曰云所謂華蟲也者所謂虞書云山龍華蟲彼畫華蟲次在龍下此

文亦次龍下故知當華蟲也言華者象章華言蟲者是

有生之總號言鳥以其有翼言獸以其有毛言蛇以其

有鱗以首似驚亦謂之驚冕也故云蟲之毛鱗有文采

也虞書有十二章於此惟言四章又兼言天地而不云

日月星藻與宗彝者雜四時五色之位以章之謂之巧

記人之言畧說之耳注章明也續繡皆用五采鮮明之是為巧疏

注釋曰此經總結上

文也上有六色此言五者下別言凡畫續之事後素功

素功故言五或可玄黑其說也注素白采也後布之為其易漬汙也不言繡繡以絲也

鄭司農說以論語曰續事後素音義

為于偽反易以豉反

鍾氏染羽以朱湛丹秫三月而熾之注鄭司農云湛漬

也丹秫赤粟玄謂湛讀如漸車帷裳之漸熾炊也羽所

以飾旌旗及王后之車音義

湛子潛反或子鳩反又音鳩秫音述漸子潛反下漚

漸疏

釋曰染布帛者在天官染人此鍾氏惟染鳥羽而巳要用朱與秫則同彼染祭服有玄纁與此不異

故也案染人云春暴練夏纁玄注云凡染當及盛暑熱潤始湛研之三月而後可用若然云以朱湛丹秫三月

而熾之熾之當及盛暑熱潤則初以朱湛丹秫當在春日豫湛至六月之時即染之矣注釋曰玄謂湛讀如漸

車帷裳之漸者讀從衛詩也云羽所以飾旌旗及王后之車者司常云全羽為旒析羽為旌自餘旌旗竿首亦

有羽旄巾車有重翟厭翟翟車之等皆用羽是也案夏采注云夏采夏翟羽色禹貢徐州貢夏翟之羽有虞氏

以為緹後世或無故染鳥羽象而用之謂之夏采此是鍾氏所染者也 淳而漬之注淳沃

也以炊下湯沃其熾烝之以漬羽漬猶染也音義

淳章均反

注及疏

注釋曰上熾之謂以朱湛丹秫三月末乃熾之下同疏即以炊下湯淋所炊丹秫取其汁以染鳥羽而

又漸漬之也

三入為纁五入為緹七入為緇注染纁者三入

而成又再染以黑則為緹緹今禮俗文作爵言如爵頭

色也又復再染以黑乃成緇矣鄭司農云以論語曰君

子不以紺緹飾又曰緇衣羔裘爾雅曰一染謂之緇再

染謂之窺三染謂之纁詩云緇衣之宜兮玄謂此同色

耳染布帛者染人掌之凡玄色者在緌緌之間其六入

者與音義

緌許云反緌側留反劉祖侯反復扶又反緌古闇反緌倉絹反范倉亂反窺勅貞反本又

作經亦作

疏

注釋曰凡染緌玄之灋取爾雅及此相兼乃具按爾雅一染謂之緌再染謂之窺三

染謂之緌三入謂之緌即與此同此三者皆以丹秬染之此經及爾雅不言四入及六入案士冠有朱紘之文

鄭云朱則四入與是更以緌入赤汁則為朱以無正文約四入為朱故云與以疑之云論語曰君子不以緌緌

飾者淮南子云以涅染緌則黑於涅涅即黑色也緌若入赤汁則為朱若不入赤而入黑汁則為緌矣若更以

此緌入黑則為緌而此五入為緌是也緌緌相類之物故連文云君子不以緌緌飾也若更以此緌入黑汁即

為玄則六入為玄但無正文故此注與士冠禮注皆云玄則六入與更以此玄入黑汁則名七入為緌矣但緌

與玄相類故禮家每以緇布衣為玄端也云禮俗文作爵言如爵頭色者以其爵赤多黑少故也

筐人闕

幌氏凍絲以浼水漚其絲七日去地尺暴之注故書浼

作湄鄭司農云湄水溫水也玄謂浼水以灰所沛水也

漚漸也楚人曰漚齊人曰淒音義

幌音茫凍音練下同  
浼書銳反漚烏豆反

李又烏侯反暴步卜反劉步莫反下同湄劉音眉一音

奴短反沛子禮反淒烏禾反又於偽反一音乃罪反

疏注釋曰諸家及先鄭皆以浼水為溫水後鄭獨不從

者禮有浼齊謂沛酒為浼則此浼亦當沛灰汁為浼

故不從溫水也云齊書暴諸日夜宿諸井七日七夜是人曰淒者亦是漚義

謂水凍注宿諸井縣井中凍帛以欄為灰渥渾其帛實

諸澤器淫之以蜃注渥讀如鄆人渥管之渥以欄木之

灰漸釋其帛也杜子春云淫當為涅書亦或為湛鄭司

農云澤器謂滑澤之器蜃謂灰也士冠禮曰素積白屨

以魁拊之說曰魁蛤也周官亦有白盛之蜃蜃蛤也玄

謂淫薄粉之令帛白蛤今海旁有焉音義

欄音練李又來踐反或音

蘭渥烏豆反與渥同注渥管同蜃常軫反鄆似陵反管

古顏反湛子潛反冠古亂反屨九具反魁苦迴反又作

魁拊方于反蛤古盍疏注釋曰鄭云渥讀如鄆人渥管

反粉如字劉方問反疏之渥者按哀八年吳伐魯云初

武城人或有因於吳竟田焉拘鄆人之涇管者曰何故  
使吾水滋是其事引士冠禮曰素積白屨以黜柎之者  
謂皮弁服白布衣而素積以為裳屨裳  
同色故素積白屨白屨以屨灰柎之也  
清其灰而盥之

而揮之注清澄也於灰澄而出盥晞之晞而揮去其屨

音義

盥音鹿揮音輝去起呂反

而沃之而盥之而塗之而宿之注更

渥淳之明日沃而盥之注朝更沃至夕盥之又更沃至

旦盥之亦七日如渥絲也音義

朝此一字張遙反餘皆朝廷之朝

晝暴

諸日夜宿諸井七日七夜是謂水凍䟽

釋曰凍帛凍絲者有三灋上文

為灰凍灋此文  
是水凍灋也

周禮注疏卷四十



周禮注疏卷四十考證

輶人田馬之輶疏駑馬高七尺○駑當作駟見夏官度人職文

五分其頸圍去一以為踵圍注踵後承軫者也疏輶後承踵之處○輶監本訛作踵殆因注文而誤也今改正

良輶環漚疏即上云隧四寸三分一在外以揉其式○隧下脫四尺二字四尺四寸隧深之度也

治氏是故倨句外博疏或謂之鑣吳揚之間謂之伐○  
揚雄方言鑣作鑣伐作戈

桃氏兩從半之疏謂劒脊兩面殺趨鋸○脊訛刃依注  
改正

鳧氏銑間謂之于疏對下甬衡○甬監本訛作角今從  
下文舞上謂之甬甬上謂之衡改正

十分其銑疏古之神瞽考中聲而量量以制度度律均  
鍾○國語作考中聲而量之以制度律均鍾此引之

畧有異同

鮑人之事注蒼頡篇有鮑熒○熒當作甃從瓦諸本皆訛說已見攻皮之工注

韞人凡冒鼓必以啓蟄之日注啓蟄孟春之中也○以啓蟄為正月中與今法異


畫續之事山以章水以龍○此二句舊分二節今從疏合解之故為一節

周禮注疏卷四十考證

謹案第二十一頁前五行音義邪似嗟反刊本嗟  
訛差今改

考證第一頁後一行治氏刊本氏訛民今改





覆校官編修臣劉種之

校對官編修臣李光雲

謄錄監生臣許思光

欽定四庫全書薈要

經部

周禮注疏卷四十一



詳校官編修臣程嘉謨



欽定四庫全書薈要卷一千八百九十四

經部

周禮注疏卷四十一

漢鄭氏注 唐陸德明音義 賈公彥疏

冬官考工記下

王公之事鎮圭尺有二寸天子守之命圭九寸謂之桓圭公守之命圭七寸謂之信圭侯守之命圭七寸謂之躬圭伯守之注命圭者王所命之圭也朝覲執焉居則守之子守穀璧男守蒲璧不言之者闕耳故書或云命

圭五寸謂之躬圭杜子春云當為七寸玄謂五寸者璧

文之闕亂存焉音義

信音身朝直疏釋曰云玉人之事遙反下皆同

者謂人造玉瑞玉

器之事此一句總與下諸文為目圭名鎮名信及躬備於宗伯注釋曰云命圭者王所命之圭也者公羊傳云錫者何賜也命者何加我服也於王以策命諸侯之時非直加之以車服時即以圭授之以為瑞信者也朝覲執馬者典瑞云公執桓圭以下朝覲宗遇會同于王諸侯相見亦如之是也云居則守之者謂以為鎮守者也故云居則守之子守穀璧男守蒲璧典瑞宗伯大行人俱有其文於此不言之者闕也鄭云闕者若韋氏櫛氏之類亦闕也若然經有鎮圭按典瑞云王執鎮圭繅藉五采五就以朝日鄭不言者有典瑞可參故直舉諸侯可知也子春破故書五寸當從經七寸後鄭不從以從故書為五寸五寸是璧文之闕亂存者命圭是伯五寸

是子男故  
亂存也

天子執冒四寸以朝諸侯注名玉曰冒者言

德能覆蓋天下也四寸者方以尊接卑以小為貴疏

注釋

曰鄭知名玉曰冒言德能覆蓋天下者案書傳云古者  
主必有冒言不敢專達之義天子執冒以朝諸侯見則  
覆之注云君恩覆之臣敢進是其冒覆之事案孔注顧  
命云言冒所以冒諸侯主以齊瑞信方四寸邪刻之不  
言冒以覆蓋天下者義得兩合故注有異故書傳云古  
者主必有冒亦是冒主之法也此冒據朝覲諸侯時執  
之詩殷頌云受小球大球為下國綴旒注云小球尺二  
寸大球長三尺與下國結定其心如旌旗之旒彼據天  
子與諸侯盟會故云結定天子用全上公用龍侯用瓚  
其心故執鎮圭不執冒也

伯用將注鄭司農云全純色也龍當為尨尨謂襍色玄

謂全純玉也璣讀為餐餐之履龍璣將皆襍名也卑者

下尊以輕重為差玉多則重石多則輕公侯四玉一石

伯子男三玉二石音義

龍莫江反璣才旱反下同司農音讚將如字劉音陽餐之然反

履作旦反疏

釋曰此經因天子以下執玉遂說尊卑之下遐嫁反玉善惡不同注釋曰先鄭云全純色也

龍當為龙龍謂襍色後鄭以為全純玉也純玉即純色義無殊璣讀餐餐之履者醢人職有餐食漢時有膏餐

今連言餐餐者取襍意云龍璣將皆襍名者謂玉之襍名此亦含襍色必知後鄭玉襍中含色者見鄭異義駁

云玉襍則色襍則知玉全色亦全也云卑者下尊以輕重為差玉多則重石多則輕知者見盈不足術曰玉方

寸重七兩石方寸重六兩云公侯四玉一石伯子男三玉二石者按禮緯云天子純玉尺二寸公侯九寸四玉

一石伯子男三玉二石此注出於彼但此經公與侯異  
注及彼文公侯同又彼伯子男同七寸皆與此經不同  
者彼據殷法但玉石多少與周同故引之也若然繼子  
公侯同四玉一石而龍璫異者蓋玉色有別也

男執皮帛注謂公之孤也見禮次子男贅用束帛而以

豹皮表之為飾天子之孤表帛以虎皮此說王及皮帛

者遂言見天子之用贅音義

見禮賢通反下同

䟽

釋曰此公之孤上不言子

男而此云繼子男者以上文不見子男也不見者以子  
男與伯同用三玉二石故空其文見子男與伯等以是  
得言以皮帛繼子男也以大行人注言之此亦是孤尊  
更以其贅見也注釋曰知諸侯孤飾贅以豹皮天子之  
孤飾以虎皮者郊特牲云虎豹之皮示服猛也二  
天子

者皮中為美虎皮又貴天子孤尊故知義然也

圭中必注必讀如鹿車繹之繹謂以組約其中央為執

之以備失隊音義

必府結反戚如字繹劉府結反沈音畢云劉音非也按北俗今猶有此語

音如劉音蓋古語乎劉音未失組約疏釋曰上列天子

如字劉阿駁反為于偽反隊直類反及公侯伯之圭

於此獨言天子圭中必者按聘禮記五等諸侯及聘使

所執圭璋皆有繹藉及絢組絢組所以約圭中央恐失

墜即此中必之類若然圭之中必尊卑皆有此不言諸

侯圭舉上以明下可知注釋曰云讀如鹿車繹之繹者

俗讀之也此四圭尺有二寸以祀天注郊天所以禮其

繹絢組一也神也典瑞職曰四圭有邸以祀天旅上帝音義

邸丁禮反又音

帝下疏釋曰此圭典瑞直言所用禮神不言尺寸故此

文同言言之此直言尺二寸按典瑞注先鄭云中央為

壁圭著其四面一玉俱成又云圭末四出若然此尺二寸者未知壁在中央通兩畔總計為尺二寸未知除壁之外兩畔之圭各有一尺二寸據下裸圭尺有二寸而言則此四圭圭別尺有二寸仍未審以壁為卽卽徑幾許禮既無文不可強記也注釋曰引典瑞者證祀天為夏正郊所感帝兼國有故旅祭五帝之事亦以此圭禮也

神大圭長三尺杼上終葵首天子服之注王所搢大圭

也或謂之珽終葵推也為推於其杼上明無所屈也杼

綢也相玉書曰珽玉六寸明自炤音義

杼直呂反珽他頂反推直追反

下同綢色界反劉色例反殺字之異者本疏釋曰言大或作殺下取殺殺文同相息亮反炤音照圭者以其長故得大圭之稱言服之者以其搢於衣帶之間同於衣服故以服言之注釋曰云玉所搢大圭也者典瑞云

王摺大圭執鎮圭繅藉五采五就以朝日是也云或謂之珽者玉藻云天子摺珽方正於天下也鄭云言珽然無所屈此注亦云明無所屈皆對諸侯為荼大夫前屈後屈故云無所屈也云終葵椎也者齊人謂椎為終葵故云終葵椎也云相玉書曰珽玉六寸明自炤者謂於三尺圭上除六寸之下兩畔殺去之使已上為椎頭言六寸據上不殺者而言云明自炤者玉體瑜不掩瑕瑕不掩瑜善惡露見是其忠實君子於玉比德焉言忠實故云明自炤也引之者證大圭者為終葵六寸已下杼之也

土圭尺有五寸以致日

以土地注致日度景至不夏日至之景尺有五寸冬日至之景丈有三尺土猶度也建邦國以度其地而制其

域音義

景度待洛反此下注同

疏

釋曰言土圭謂度土地遠近之圭故云土圭注釋曰云致日度



景至不者於地中立八尺之表於中漏半夏至日表北  
尺五寸景與土圭等冬至日丈三尺為景至若不依此  
皆為不至故云度景至不也使君改德教也云夏日至之  
得失而來度之者若不至使君改德教也云夏日至之  
景尺有五寸冬至之景尺有五寸謂之地中云土猶度也  
徒亦云夏日至之景尺有五寸謂之地中云土猶度也  
建邦國以度其地而制其域者此度地封諸侯日景一  
分地差百里五等諸侯直取五分景已下無取尺寸之  
也義裸圭尺有二寸有瓚以祀廟注裸之言灌也或作裸

或作果裸謂始獻酌奠也瓚如盤其柄用圭有流前注

音義

裸古亂反注  
裸果皆同

疏

釋曰鄭注小宰云惟人道宗廟有  
裸天地大神至尊不裸故此惟云

以祀廟典瑞兼云以裸賓客此不言者有典瑞故作文  
略也注釋曰讀裸為灌者取水灌之義云裸謂始獻酌

奠也者小宰注云裸亦謂祭之啐之奠之以其尸不飲故云奠之按司尊彛注裸謂始獻尸郊特牲注云始獻神也蓋以其裸入獻于尸故云獻尸以灌圭為降神故云獻神三注雖曰不同其義一也云瓚如盤其柄用圭有流前注者鄭注典瑞引漢禮瓚盤大五升口徑八寸下有盤口徑一尺言有流前注者按下三璋之勺彛寸是也言前注者以尸執之向外

琬圭九寸而纁以象德

祭乃注之故云有流前注也

注琬猶圓也王使之瑞節也諸侯有德王命賜之使者

執琬圭以致命焉纁藉也音義

琬於阮反纁音早使可吏反下同藉慈夜反

疏

釋曰典瑞云琬圭以治德以結好此不言結好此文略彼云治德據使者而言此言象德據圭體而說彼

不言有纁此言有纁亦是互見為義注釋曰云諸侯有德王命賜之使者執琬圭以致命焉者若天王使毛伯

來錫公命公羊云錫者何賜也命者何加琰圭九寸判我服也是諸侯有德王使人賜命之事也

規以除慝以易行注凡圭琰上寸半琰圭琰半以上又

半為瑑飾諸侯有為不義使者征之執以為瑞節也除

慝誅惡逆也易行去煩苛音義

琰餘冉反慝吐得反易以政反又音亦改也行

下孟反注同以上時掌反瑑直轉反去起呂反苛音何

疏

注釋曰知凡圭琰上寸半者禮記襍記文知此

琰圭琰半以上又半為瑑飾者以其言判判半也又云規明半以上琰至首規判以下為瑑飾可知云諸侯有

為不義使者征之執以為瑞節也者此釋除慝故引經文除慝誅惡逆也云易行去煩苛者此非惡逆之事直

政教煩多而苛虐是諸侯行惡故璧羨度尺好三寸以王使人執之以為瑞節易去惡行

為度注鄭司農云羨徑也好壁孔也爾雅曰肉倍好謂

之壁好倍肉謂之瑗肉好若一謂之環玄謂羨猶延其

表一尺而廣狹焉音義

羨以善反延也又音賤徑也好呼報呼老二反注同肉柔又柔

育二反下同瑗于眷疏注釋曰引爾雅欲見此壁好三反劉于願反表音茂

畔共六寸是肉倍好也後鄭云羨猶延其表一尺而廣狹焉者是羨為不圓之貌造此壁之時應圓徑九寸今

減廣一寸以益上下之表一寸則上下一尺廣八寸故云其表一尺而廣狹焉狹焉謂八寸也以為度者天子

以為量物主壁五寸以祀日月星辰注禮其神也圭其

邸為壁取殺於上帝疏

注釋曰此圭壁謂以壁為邸旁有一圭故云圭其邸為壁也云

取殺於上帝者按上文四圭以祀天此日月星辰為天之佐故一圭是取殺於上帝也按典瑞云兩圭有邸以祀地璋邸射以祀山川彼山川亦取殺於地此不言者文略彼又有珍圭牙璋此不言者亦是文略並玉人造之可

璧琮九寸諸侯以享天子注享獻也聘禮享君以

璧享夫人以琮音義

琮才疏注釋曰按小行人二王後宗反享天子及后用圭璋則此

璧琮九寸據上公引聘禮者欲見經云享天子用璧享后用琮此據上公九命若侯伯當七寸子男當五寸

穀圭七寸天子以聘女注納徵加於束帛疏

注釋曰自士已上皆

用玄纁束帛但天子加以穀圭諸侯加以大璋也

大璋中璋九寸邊璋七寸射

四寸厚寸黃金勺青金外朱中鼻寸衡四寸有纁天子

以巡守宗祝以前馬注射琰出者也勺故書或作約杜  
子春云當為勺謂酒尊中勺也鄭司農云鼻謂勺龍頭  
鼻也衡謂勺柄龍頭也玄謂鼻勺流也凡流皆為龍口  
也衡古文橫假借字也衡謂勺徑也三璋之勺形如圭  
瓚天子巡守有事山川則用灌焉於大山川則用大璋  
加文飾也於中山川用中璋殺文飾也於小山川用邊  
璋半文飾也其祈沈以馬宗祝亦執勺以先之禮王過  
大山川則大祝用事焉將有事於四海山川則校人飾

黃駒音義

射食亦反注及下注同勺上灼反注同衡音橫注衡謂並同祈沈如字劉居綺反小爾雅

曰祭山川曰祈沈按爾雅祭山曰廋縣祭川曰浮沈

疏

祈音九委反今讀宜依爾雅音大祝音泰校戶教反

釋曰此經說王巡守出行過山川禮敬之事三璋據為

勺柄黃金勺以下據為勺頭注釋曰射琰出者也者向

上謂之出謂琰半已上其半已下為文飾也先鄭云鼻

謂勺龍頭鼻後鄭增成其義衡謂勺柄龍頭後鄭不從

玄謂衡古文為橫謂勺徑破先鄭為勺柄云三璋之勺

形如圭瓚者圭瓚之形前注已引漢禮但彼口徑八寸

下有盤徑一尺此徑四寸徑既倍狹明所容亦小但形

狀相似耳故云形如圭瓚也知用灌者以其圭瓚灌宗

廟明此巡守過山川用灌可知於大山川已下至半文

飾皆無正文鄭君以意解之云祈沈以馬者取校人飾

黃駒故知馬也知宗祝亦執勺以先之者即引大祝職

云王過大山川則大祝祝用事馬是大祝用此經黃金勺

之事也云將有事于四海山川則校人飾黃駒者校人職文引之者見禮山川非直灌亦有牲牢以山川地神故用黃駒也大祝職云王過大山川大祝用事不言大中山川小山川者舉大者而言或使小祝為之也大

璋亦如之諸侯以聘女注亦納徵加於束帛也大璋者

以大璋之文飾之也亦如之者如邊璋七寸射四寸疏

注釋曰鄭知以大璋之文飾之者以其與上大璋同名明以大璋之文飾之也又知如邊璋七寸射四寸者以其天子穀圭七寸以聘女諸侯不可過於天子為九寸既文承邊璋之下而言亦如之明知如邊璋七寸射四寸也

瑑圭璋八寸璧琮八寸以覲聘注瑑文飾也覲視也

聘問也衆來曰覲特來曰聘聘禮曰凡四器者惟其所



寶以聘可也音義

頻吐

疏

釋曰此謂上公之臣執以覲

聘用圭璋享用璧琮於天子

及后也若兩諸侯自相聘亦執之侯伯之臣宜六寸男之臣宜四寸注釋曰云瑑文飾也者凡諸侯之臣覲

聘並不得執君之桓圭信圭之等直瑑為文飾耳云覲視也聘問也者按大宗伯云時聘曰問殷覲曰視故據

彼而言也云眾來曰覲特來曰聘者眾來則元年七年十一年一服朝之歲來者眾也特來則天子有事乃來

無常期者是也引聘禮者彼亦云圭璋璧琮四器故引以為證云所寶謂不聘時寶之

牙璋中璋

七寸射二寸厚寸以起軍旅以治兵守注二璋皆有鉏

牙之飾於琰側先言牙璋有文飾也音義

鉏劉李側魚反沈徐加反

疏注釋曰牙璋起軍旅治兵守正與典瑞文同彼無中璋者以其大小等故不見也牙璋起軍旅則中璋亦

起軍旅二璋蓋軍多用牙璋軍少用中璋鄭知二璋皆為鉏牙之飾者以其同起軍旅又以牙璋為首故知中璋亦有鉏牙但牙璋文飾多故得牙名而先言也

駟琮五寸宗后以為權注駟

讀為組以組繫之因名焉鄭司農云以為稱錘以起量

音義

駟音祖稱尺證反錘直偽反劉直危反

疏

釋曰此后天子所用故五寸降於下文天子所用七寸者

也注釋曰駟讀為組者於義無取於駟故從組以其用組為繫言因名焉者以組為繫名組琮似以玉飾豆即名玉豆其類也先鄭云以為稱錘以起量者量自是斗斛之名而云為量者對文量衡異散文衡亦得為量以其量輕重故也

大琮十有二寸射四寸厚寸是謂內鎮宗后守

之注如王之鎮圭也射其外鉏牙疏

釋曰言大琮者對上駟琮五寸為大

也言十有二寸者并角徑之為尺二寸言射四寸者據角各出二寸兩相并四寸言是謂內鎮者對天子執鎮

圭為內謂若內宰對大宰為內內司服對司服為內王不言外者男子居外是其常但婦人陰則得內稱也注

釋曰云射其外鉏牙者據八角鋒故云鉏牙也駟琮七寸鼻寸有半寸天子以

為權注鄭司農云以為權故有鼻也疏釋曰此天子以

后權不言鼻者舉以見后亦有鼻可知兩圭五寸有邸以祀地以旅四望

注邸謂之抵有邸倂其本也音義抵音帝劉作極戶疏古反倂昌絹反

釋曰此亦依典瑞所解謂祀神州之神於北郊及國有故旅祭四望以對四圭有邸祀天及旅上帝也若天地

自用黃琮云倂其本也者亦一琿琮八寸諸侯以享夫玉俱成兩圭尺相對為倂也

人注獻於所朝聘君之夫人也疏

釋曰言以享夫人則是諸侯自相朝所用

致享者也五等諸侯朝天子享用璧琮不降瑞若自相享降瑞一等此八寸據上公二王後自相享亦用璧琮

八寸侯伯當六寸子男自相享退用琥璜降用四寸此經直言琬琮不言琬璧以享君文略可知也注釋曰經

言諸侯止是朝注兼云聘者其臣聘琬圭璋璧琮亦皆降一等與君寸數同故兼言聘也案十有二

寸棗棗十有二列諸侯純九大夫純五夫人以勞諸侯

注純猶皆也鄭司農云案玉案也夫人天子夫人玄謂

案玉飾案也夫人王后也記時諸侯僭稱王而夫人之

號不別是以同王后於夫人也玉案十二以為列王后

勞朝諸侯皆九列聘大夫皆五列則十有二列者勞二王之後也棗棗實於器乃加於案聘禮曰夫人使下大夫勞以二竹簋方玄被纁裏有蓋其實棗烝棗擇兼執

之以進音義

勞力報反注同被皮寄反

疏

釋曰案十有二寸者謂王案十有二枚云棗棗十有

二列案案皆有棗棗為列十有二者還據案十二為數不謂一案之上十有二也注釋曰先鄭云夫人天子夫人後鄭不從者勞諸侯以王后為主豈不見后先見三夫人乎故不從也玄謂案玉飾案也者以其在玉人故知以王飾案也云記時諸侯僭稱王者春秋之世吳楚及越僭號稱王而吳楚夫人不稱后是夫人之號不別也云是以同王后于夫人也者周王與吳楚同號王故周王后號亦下同吳楚之夫人也云案十有二以為列

者微破賈馬以此十二列比聘禮醢醢夾碑百壺十  
為列云王后勞朝諸侯皆九列聘大夫皆五列則十二  
列勞二王之後也者以其經夫人以勞諸侯文在下總  
結上文三者故以此義推量之也云棗栗實于器乃加  
於案者此約聘禮故即引聘禮為證也聘禮五介入境  
張旃是侯伯之卿大夫聘者也而主國夫人使下大夫  
勞賓以二竹簋方者簋法圓今此竹簋方為之者此或  
棗栗與黍稷簋異也玄被者以玄繒為表被聘禮諸侯  
夫人使下大夫勞無案直有棗栗此後勞有棗栗  
又亦有案引之者證此棗栗亦盛於竹簋者也

璋邸

射素功以祀山川以致稍餼注邸射剡而出也致稍餼

造賓客納稟食也鄭司農云素功無瑑飾也餼或作氣

杜子春云當為餼音義

造七疏

注釋曰云以祀山川者  
報反謂四望之外所有山川

皆是云卽射剡而出也者向上謂之出半圭曰璋璋首邪却之今於邪却之處從下向上總邪却之名為剡而出云致稍餽造賓客納稟食也者謂賓客在館主君使人造賓客納稟食稟食則米者也以其經云稍餽稍稍致之是食米曰稟者也

柳人

闕音義

柳莊密反本或作櫛

雕人

闕音義

雕音彫本亦作彫

磬氏為磬倨句一矩有半注必先度一矩為句一矩為

股而求其弦既而以一矩有半觸其弦則磬之倨句也

磬之制有大小此假矩以定倨句非用其度耳音義倨

音倨

據句沈音鉤注同

劉疏

注釋曰鄭云必先度一矩為句者據上曲者一矩為股據下直

者而求其弦者弦謂兩頭相望者云既而以一矩有半觸其弦者假令句股各一尺今以一尺五寸觸兩弦其

句股之形即磬之倨句折殺也云磬之制有大小者按樂云磬前長三律二尺七寸後長二律尺八寸是磬有

大小之制也云此假矩以定倨句非用其度耳者謂此經倨句各一矩并一矩有半皆假設言之以定倨句及

其作磬非用此度自依律長短為之也

其博為一注博謂股博也博廣也

疏注釋曰鄭知此博是股廣在上者以其下又因此博而云股為二明此博即股廣也此上下云一二三者

此亦假一二三而為長短廣狹故不言尺寸也

股為二鼓為三參分其股博去

一以為鼓博參分其鼓博以其一為之厚注鄭司農云



股磬之上大者鼓其下小者所當擊者也玄謂股外面

鼓内面也假令磬股廣四寸半者股長九寸也鼓廣三

寸長尺三寸半厚一寸音義

去起呂反令力呈反後皆同

疏

注釋曰先鄭云

股磬之上大者鼓其下小者以其股面廣鼓面狹故以大小而言也玄謂股外面也者以其在上故以為外鼓内面也者以其在下故以為内言假令者經直言一二三不定尺寸是假設之言也若定尺寸自當依律為短長也以下四寸半為灋者直取從此以下為易計非實灋也

已上則摩其旁注鄭司農

云磬聲大上則摩鑣其旁玄謂大上聲清也薄而廣則

濁音義

上時掌反注同大音泰劉他賀反下同鑣音慮

疏

注釋曰先鄭直云摩鑣其旁不言處所故

後鄭增成之凡樂器厚則聲清薄則聲濁  
今大上是聲清故摩使薄薄而廣則濁也  
已下則摩其

端注大下聲濁也短而厚則清音義

端音端劉又音穿本或作端

疏

注釋曰此聲濁由薄薄不可使厚故摩  
使短短則形小形小則厚厚則聲清也

矢人為矢鏃矢參分第矢參分一在前二在後注參訂

之而平者前有鐵重也司弓矢職第當為殺鄭司農云

一在前謂箭橐中鐵莖居參分殺一以前音義

鏃矢音侯劉音

侯第依注音殺色黠反劉色例反李音  
拂訂音亭劉當定反橐古老反下同

疏

注釋曰云參訂之而平者

以其言參分一在前二在後明據稱量得訂而  
言之前有鐵重也者若不前鐵重何以參分得訂也  
引司弓

矢職者彼鏃矢與殺矢相對第矢自與增矢相對此上  
既言鏃矢明下宜有殺矢對之故破此第為殺矢也鄭  
云一在前謂箭橐中鐵莖居參分殺一以前者後鄭意  
直據近鏃鐵多先鄭據長短又以參分殺之近鏃宜細  
以其鏃長近鏃雖殺猶重與  
後鄭義合故引之在下也 兵矢田矢五分二在前三

在後注鐵差短小也兵矢謂枉矢絜矢也此二矢亦可

以田田矢謂增矢音義

絜苦結反又疏注釋曰云鐵差  
音結增音增短小也者前參

分一在前得訂此五分二在前得訂故知鐵差短小也  
云兵矢謂枉矢絜矢也者以司弓矢職參之下有七分  
當弗矢矦矢此五分當枉矢絜矢也云田矢謂矦矢者  
依鄭志此云田矢謂矦矢非謂經中田矢正是下文七  
分者若然既非經之田矢鄭言之者欲見矦矢正田矢  
此經二矢亦可以田若然經枉矢絜矢非直為兵矢亦

將田獵故云此二矢亦可以田也按鄭志趙商問司弓矢注云凡矢之制增矢之屬七分三在前四在後按矢人職曰田矢五分二在前三在後注云田矢謂增矢數不相應不知所裁答曰田矢謂增矢此先定後云此二矢亦可以田頃若少疾此疏初在篋筥之間屬錄事得之謹答若然鄭君本意以增矢為田矢非經田矢自是尋常田矢此二矢亦可以田解經田矢是枉矢絜矢非直為兵矢此二者亦可以田也此鄭云田矢謂增矢按司弓矢職枉矢絜矢言利諸田獵弗矢增矢直言弋射不言田獵而云田矢者弋射即是田獵也按司弓矢職枉矢絜矢在前後乃云鏹矢殺矢此矢人先言鏹矢殺矢者彼據事之重者為先以其枉矢絜矢用諸戰伐是重故在前此據鐵輕重

綈矢七分三在前四在後注鐵

又差短小也司弓矢職綈當為弗音義

綈依注為弗劉符弗反李音拂

疏

注釋曰上經已破弗當為殺此綢固宜為弗與增矢同七分故亦引司弓矢證之也此經直言弗矢不言

增矢者以其與弗矢同制故略而不言也言鐵又差短小也者以其前五分三在前此七分三在前是差短小

也參分其長而綢其一注矢稟長三尺殺其前一尺令

趣鏃也音義

綢本又作殺色界反注下皆同趣七喻反一音促鏃子木反或七木反

疏

注

曰按稟人注矢服長短之制未聞今此注云矢稟長二尺彼以無正矢故云未聞此云三尺者約羽六寸逆差

之故知五分其長而羽其一注羽者六寸音義

羽于付反注及

下同以其筈厚為之羽深注筈讀為稟謂矢幹古文假借

字厚之數未聞音義

筈古老反下相筈同

水之以辨其陰陽注辨

猶正也陰沈而陽浮音義

辨皮勉反劉方勉反

疏

注釋曰就其

夾

其陰陽以設其比夾其比以設其羽注夾其陰陽者弓

矢比在橐兩旁弩矢比在上下設羽於四角鄭司農云

比謂括也音義

比毗志反下及注同

疏

注釋曰云弓矢

以其弓豎用之故比在橐之兩旁云弩矢比在上下者以其弩弓橫用之故比在橐上下云設羽於四角者無

問弓之矢弩之矢比在兩旁上下皆設羽於四角同也

參分其羽以設其羽注羽

二寸疏

注釋曰知羽二寸者以其言參分其羽以設其羽不可參分取二分作四寸羽明知參分取一

得二寸為羽則雖有疾風亦弗之能憚矣注故書憚或故知羽二寸則雖有疾風亦弗之能憚矣注故書憚或

作但鄭司農云讀當為憚之以威之憚謂風不能驚憚

箭也音義

憚音恒都達反李直旦反注同李又直丹反

刃長寸圍寸銚十之

重三垓注刃長寸脫二字銚一尺音義

銚徒頂反垓音九

疏

注釋

曰知脫二字者據上參分其羽以設其刃若刃一寸則羽三寸矢一尺五寸便大短明知脫二字也

前弱

則俛後弱則翔中弱則紆中強則揚羽豐則遲羽殺則

趨注言幹羽之病使矢行不正俛低也翔迴顧也紆曲

也揚飛也豐大也趨旁掉也音義

趨音躁子到反沈又色到反掉徒弔反

是故夾而搖之以眡其豐殺之節也注今人以指夾矢

儻衛是也音義

搖本又作疏釋曰上經陳幹羽失所故

云夾而搖之以眡其豐殺之節也

撓之以眡其鴻殺之稱也注撓擗其

幹音義

撓乃孝反稱尺疏釋曰此經說知矢幹之病狀證反擗女角反此言鴻即上文強是也此言

殺即上文弱是也

凡相筭欲生而搏同搏欲重同重節欲疏同

疏欲臬注相猶擇也生謂無瑕蠹也搏讀如搏黍之搏

謂園也鄭司農云欲臬欲其色如臬也音義

相息亮反注同搏徒

九反蠹疏

注釋曰云生謂無瑕蠹也者直言欲生於義無所取故以無瑕蠹解之無瑕謂無異色無

蠹謂無蠹孔也云搏讀如搏黍之搏者讀如爾雅釋鳥黃鳥搏黍也此取其搏園之義先鄭云欲臬欲其色如



桌也者觀經桌義取堅實先  
鄭云色如桌即是堅實者

陶人為甌實二鬴厚半寸脣寸盆實二鬴厚半寸脣寸

甌實二鬴厚半寸脣寸七穿注量六斗四升曰鬴鄭司

農云甌無底甌音義

甌魚輦反又音噲劉魚建反沈  
魚偃反一音彥甌也鬴音輔

疏

注釋曰六斗四升曰鬴昭三年左氏傳齊晏  
子辭云甌無底甌者對甌七穿是有底甌

鬲實五鬴

厚半寸脣寸庾實二鬴厚半寸脣寸注鄭司農云鬴讀

為斛鬴受三斗聘禮記有斛玄謂豆實三而成鬴則鬴

受斗二升庾讀如請益與之庾之庾音義

鬲實音歷  
鬴音斛

疏

注釋曰先鄭云敵讀為斛敵受三斗又引聘禮記有斛者按下文旒人豆實三而成敵受斗二升有成文而先鄭讀敵為斛斛受十斗又云敵受三斗復引聘禮記有斛其言自相亂後鄭皆不從之也玄謂豆實三而成敵出於下文引之破先鄭敵受三斗或十斗也讀庾為請益與之庾之庾者讀從論語孔子答冉有辭小爾雅籩二升二斛為豆豆四升四豆曰區四區曰釜二釜有半謂之庾者庾本有二法故聘禮記云十六斗曰釜二釜有半謂文數為逾逾即庾也按昭二十六年申豐云粟五千庾杜注云庾十六斗以此知庾有二法也

旒人為簋實一敵崇尺厚半寸脣寸豆實三而成敵崇

尺注崇高也豆實四升音義

旒方疏釋曰祭宗廟皆用反疏木簋今此用瓦簋

據祭天地及外神尚質器用陶匏之類也注云豆實四升者晏子辭按易損卦象云二簋可用享四以簋進泰

稷於神也初與二直其四與五承上故用二簋四巽文也巽為木五離文也離為日日體圓木器而圓簋象也是以知以木為之宗廟用之若祭天地外神等則用瓦簋故郊特牲云掃地而祭於其質也器用陶匏以象天地之性是其義也若然簋法圓舍人注云方曰簠圓曰簋注與此合孝經云陳其簋簠注云內圓外方者彼兼言之凡陶旒之事髻墜薛暴不入市注為其不任用也鄭司農云髻讀為刮薛讀為藥黃藥之藥暴讀為剝玄謂髻讀為踟躕頓傷也薛破裂也暴墳起不堅致也音義

義

又音電或蒲到反為于偽反任音士踟劉音月或五

刮反

一音兀又五活反墳扶粉反致直吏反

疏

注釋曰先鄭云髻讀為刮刮是亂刮摩之義故不任用理

無所取故後鄭不從薛讀為藥黃藥之藥取音同又以  
暴為剝者凡為噐無剝破之義故後鄭亦不從也玄謂  
髻讀為跂跂謂噐  
不正敬邪者也 噐中膊豆中縣注膊讀如車輶之輶

既拊泥而轉其均對膊其側以擬度端其噐也縣縣繩

正豆之柄音義

中丁仲反下同膊市專反注輶同縣音懸後皆放此拊音附又方附反對音樹

本又作樹擬疑疏注釋曰云膊讀如車輶之輶者讀從紀反度待洛反疏裸記載以輶車之輶取音同也云對

膊其側者按下文膊崇四尺上下高四尺無邪曲轉其  
均之時當擬度此膊宜與膊相應其噐則正也豆中縣

者豆柄中央把之者長一尺宜膊崇四尺方四寸注凡  
上下直與縣繩相應其豆則直

噐高於此則埒不能相勝厚於此則火氣不交因取式

焉音義

回芳符反又普

疏

注釋曰高於此謂崇四尺有餘也厚於此謂厚於方四寸

謂埽拊四畔各一寸也埽厚火氣不交埽不熟則易破者也

梓人為算虞注樂器所縣橫曰算植曰虞鄭司農云算

讀為竹筍之筍音義

算息允反本又作筍虞音巨植直吏反又時力反

疏

釋曰此文

與下文為總目耳故下文重說為算虞之法也注釋曰樂器所縣於筍虞者謂鍾磬鐃者也先鄭筍讀為竹筍之筍筍謂竹初生則醢人筍道者也亦取音同也

天下之大獸五脂者膏者羸

者羽者鱗者注脂牛羊屬膏豕屬羸者謂虎豹貔獠為

獸淺毛者之屬羽鳥屬鱗龍蛇之屬音義

羸力果反下同貔音毗螭

勅知疏釋曰此文亦與下為目故下亦別列五者所用

反疏不同也注釋曰知脂是牛羊屬膏豕屬者下云

二者祭宗廟以為牲故知也鄭注內則云凝者曰脂釋

者曰膏羸者謂虎豹豺獾淺毛者之屬者按月令季夏

亦云其蟲羸注云虎豹淺毛者鱗龍蛇之屬也宗廟之事脂

屬者月令春云其蟲鱗注云龍蛇之屬也

者膏者以為牲注致美味也疏釋曰上總言於此已下

者也荀虞羸者羽者鱗者以為荀虞注貴野聲也疏釋曰此

為荀虞仍是總言可以為荀虞以別於上云為牲者外

耳至下文仍更簡別可為荀可為虞二者不同者也外

骨內骨卻行仄行連行紆行以脰鳴者以注鳴者以旁

鳴者以翼鳴者以股鳴者以胷鳴者謂之小蟲之屬以

為雕琢注刻畫祭器博庶物也外骨龜屬內骨螯屬卻

行螭衍之屬仄行蟹屬連行魚屬紆行蛇屬脰鳴龜龜

屬注鳴精列屬旁鳴蜩蜋屬翼鳴發皇屬股鳴蚣蜥動

股屬胃鳴榮原屬音義

乙卻羌畧反劉去逆反仄音側紆俱反李又香于反脰音豆頸

也注陟又反劉都豆反一音之樹反胃鳴本亦作骨又作肖于本作骨云敵尻屬也賈馬作胃賈云靈螭也鄭

云榮原屬也不知榮原之屬以何鳴作骨者恐非也沈云作胃為得亦所未詳聶音胃劉本作胃音鹵琢丁角

反螯必滅反本又作螯螭羊忍反衍如字爾雅云螭衍入耳郭璞云蚰蜒也按此蟲能兩頭行是卻行劉云或

作衍蚰衍音延今曲蟻也鼃戶媯反鼃莫幸反蜩音條蟬也蜎五兮反又五歷反又五結反蚣思容反蜥思餘

反又思呂反榮原如字原疏釋曰上云大鳥獸或為宗  
亦作螭音同又五九反廟牲或為荀虞訖今此更  
別言小蟲之屬以飾祭器者也自紆行以上不能鳴者  
據行而言自脰鳴已下能鳴者據鳴而言云以為雕琢  
者以雕畫及刻為琢飾者也注釋曰此注龜為外骨整  
為內骨按易說卦云離為龜為蟬為龜注皆云骨在外  
與此注違者龜鼈皆外骨但此經外骨內骨相對以鼈  
外有肉緣故為內骨也云卻行蟬衍之屬者按爾雅釋  
蟲蟬衍入耳按方言云蟬衍注云由延兩音自闕而東  
謂之蟬衍蟬音引云仄行蟬屬者今人謂之旁蟹以其  
側行故也云連行魚屬者以其魚唯行相隨故謂之連  
行也云紆行蛇屬者紆曲也以其蛇行屈曲故謂之紆  
行也云脰鳴鼈屬者鼈即蝦蟇也脰項也以其項  
中鳴也云注鳴鼈屬者按釋蟲云蟋蟀蛩注云今促  
織也亦名青蛩方言楚謂之蟋蟀或謂之蜚南楚之間  
或謂之王孫云旁鳴蜩蛩屬者此即蜩也蜩鳴在脅云



翼鳴發皇屬者按爾雅蚊蟻蟬郭云甲蟲也大如虎豆  
綠色今江東呼為黃蟬即此發皇也云股鳴蚣蜥動股  
屬者七月詩云五月斯螽動股陸璣云幽州人謂之春  
箕長而青角長股股鳴者云胃鳴榮原屬者此記本不  
同馬融以為胃鳴干寶本以為骨鳴胃在六府之內其  
鳴又未可以為狀骨鳴亦難信皆不如作胃鳴也揚雄  
以為蛇醫或厚脣弇口出目短耳大胃耀後大體短脰  
謂之榮原

若是者謂之羸屬恒有力而不能走其聲大而宏有力  
而不能走則於任重宜大聲而宏則於鍾宜若是者以  
為鍾虞是故擊其所縣而由其虞鳴注耀讀為哨頗小  
也鄭司農云宏讀為紘紘之紘謂聲音大也由若也音



角反顧苦顏反又楷田反李又古慳反又戶弔反聞音問下同騰音權慳劉苦顏反又客田反一音工定反按左傳有華慳音苦耕反鬻劉苦顏反呂疏釋曰上既言沈同云鬻秃也或苦瞎反一音枯曷反疏鍾虞此說磬虞磬輕於鍾故畫爲飾注釋曰云吻口騰者鳥乃喙長決物食之時則以近喙本決故云決吻鄭云吻口騰也顧長脰貌者脰項也謂長項貌慳先鄭云讀爲鬻頭無髮之鬻者時俗有以無髮爲鬻故讀從之亦取音同也此是鍾磬之虞不言鑄虞鑄與鍾同小首而長搏身以其鑄如鍾而大獨在一虞爲異耳

而鴻若是者謂之鱗屬以爲筍注搏圜也鴻傭也音義

搏徒丸反疏釋曰上論鍾磬之虞用鳥獸不同此論二傭勅龍反疏者之筍同用龍蛇鱗物爲之也故直云爲筍不別言鍾之與凡攬網援箬之類必深其爪出其目磬欲見二者同也

作其鱗之而注謂荀虞之獸也深猶藏也作猶起也之

而頰頰也音義

攬俱縛反舊居碧反李又九夫反綱色界反劉色例反援音袁纂音筮頰頰許

慎口忽反云禿也劉古本反李疏釋曰此及下經覆釋又其懇反一音苦紇反又音混疏上文鍾虞之獸云攬

綱者攬著則殺之援攬則噬之如此之類必藏其爪出

其目又作其鱗之而鱗之而謂動頰頰此皆可畏之貌

也注釋曰此說鍾虞之獸不言荀鄭言荀者荀虞相將之物故連言之耳云鱗之而頰頰也者舊讀頰字以沽

罪反謂起其頰頰劉玄以為於義無所取當為頰頰音壺讀之於義為允也深其爪出其目

作其鱗之而則於眊必撥爾而怒苟撥爾而怒則於任

重宜且其匪色必似鳴矣注匪采貌也故書撥作廢匪

作飛鄭司農云廢讀為撥飛讀為匪以似為發音義必撥

未反沈蒲未反匪疏釋曰此經重解上文之義鄭云匪

芳鬼反注下同貌者以其以色配匪明匪是采

貌也先鄭以似為發者以似非真實故為發發謂鳴聲發動者也爪不深目不出鱗之

而不作則必積爾如委矣苟積爾如委則加任焉則必

如將廢措其匪色必似不鳴矣注措猶頓也故書措作

厝杜子春云當為措音義積爾如字李湯過反廢措七

又七疏釋曰此經說脂者膏者止可為牲不可以為廩

故反疏之義也注釋曰子春從措不從厝者厝置之義

非措頓故

梓人為飲器勺一升爵一升觚三升獻以爵而酬以觚

一獻而三酬則一豆矣注勺尊升也觚豆字聲之誤觚

當為觶豆當為斗音義

勺上灼反注同觥依注作觶之鼓反下同豆依注作斗舊音主

亦多口反下一豆酒同觥豆音孤

疏

注釋曰爵制今韓詩說一升曰爵二升曰觥三升曰觶四升曰角五

升曰散古周禮說亦與之同謹按周禮一獻三酬當一豆既觥二升不滿豆矣鄭玄駁之云觶字角旁支汝穎

之間師讀所作今禮角旁單古書或作角旁氏角旁氏則與觥字相近學者多聞觥寡聞觥寫此書亂之而作

觥耳又南郡太守馬季長說一獻而三酬則一豆豆當為斗一爵三觶相近禮器制度云觥大二升觶大三升

是故鄭從二升觥三升觶也鄭云觥豆字聲之誤者觥字為觥是字之誤斗字為豆是聲之誤  
食一豆

肉飲一豆酒中人之食也注一豆酒又聲之誤當為斗

凡試梓飲器鄉衡而實不盡梓師罪之注鄭司農云梓

師罪也衡謂廉衡也曲禮執君器齊衡玄謂衡平也平

爵鄉口酒不盡則梓人之長罪於梓人焉音義

鄉許亮反注同

長丁疏

注釋曰先鄭云梓師罪也者謂梓師身自得罪

丈反

後鄭不從者梓師是梓官之長不可自受罪故

為梓師罪梓人也先鄭云衡謂廉衡也者廉即眉也但

器有大小不可據上畔與眉平故後鄭不從據下畔無

問大小皆得平也引曲禮者彼衡謂與心平與此

義異引之者雖於處不同平義相似故引之也

梓人為侯廣與崇方參分其廣而鵠居一焉注崇高也

方猶等也高廣等者謂侯中也天子射禮以九為節侯道九十弓弓二寸以為侯中高廣等則天子侯中丈八尺諸侯於其國亦然鵠所射也以皮為之各如其侯也居侯中參分之一則此鵠方六尺惟大射以皮飾侯大射者將祭之射也其餘有賓射燕射音義

參分方云反注參分下身

居一分同鵠古篤反注下同射疏釋曰禮射有三有燕食亦反下射三侯下文射女同射賓射大射大射射

鵠賓射燕射射侯法亦與此同注釋曰云高廣等者謂侯中也者鄉射記云弓二寸以為侯中中則身也云天

子射禮以九為節者按射人及樂師皆云天子以騶虞九節是也云侯道九十弓者此約大射禮大侯九十弓



天子九節亦九十弓可知云弓二寸以為侯中侯中一丈則九十  
記文鄉侯五十弓弓二寸以為侯中侯中一丈則九十  
弓者侯中文八尺云諸侯於其國亦然者大射禮云大  
侯九十糝侯七十紆侯五十是也但天子九十弓無文  
約取畿外諸侯有九十七十五十弓今此以天子至尊  
為主故以諸侯為亦如之云鵠所射也者射義云為人  
君者以為君鵠為人臣者以為臣鵠又云循聲而發發  
而不失正鵠者其惟賢者乎是所射者也云以皮為之  
各如其侯也者侯謂以皮飾兩畔其鵠之皮亦與作侯  
用皮同也謂若虎侯以虎皮飾侯側其鵠亦用虎皮其  
餘熊豹麋等亦然云居侯中參分之一者釋經參分其  
廣而鵠居一焉云則此鵠方六尺者以侯方丈八尺三  
六十八故知方六尺也云惟大射以皮飾侯者對賓射  
射正者以五色飾侯之側為雲氣也燕射射獸侯者亦  
畫雲氣飾侯之側也云大射者將祭之射也者射義說  
大射之事云其容體比於禮其節比於樂而中多者得

與於祭是將祭而射謂之大射也其餘有賓射燕射者  
禮射者有此三也賓射射人之所掌是也燕射燕禮所  
云是也又鄉射記亦云燕射之事也其餘更有鄉  
射不言者鄉射射米侯則亦賓射也故不別言也上兩

个與其身三下兩個半之注鄭司農云兩個謂布可以

維持侯者也上方兩枚與身三設身廣一丈兩個各一

丈凡為三丈下兩個半之傳地故短也玄謂个讀若齊

人擗幹之幹上个下个皆謂舌也身躬也鄉射禮記曰

倍中以為躬倍躬以為左右舌下舌半上舌然則九節

之侯身三丈六尺上个七丈二尺下个五丈四尺其制

身夾中个夾身在上下各一幅此侯凡用布三十六丈  
言上个與其身三者明身居一分上个倍之耳亦為下  
个半上个出也个或謂之舌者取其出而左右也侯制  
上廣下狹蓋取象於人也張臂八尺張足六尺是取象

率焉音義

兩個讀為幹古旦反下及注同李云大鄭依  
字傳音附指力答反亦為于偽反率音類本

又作類疏

釋曰此經云身即中上布一幅者是也上兩  
个居二分身居一分故云上兩個與其身三

謂三分如等也云下兩個半之者謂半其出者也一侯  
二侯三侯皆然故不定侯名也注釋曰先鄭意身即與

中為一謂方丈者其上又加布一幅長三丈為兩個後  
鄭不從者侯有中有躬有个三者今先鄭惟有身不見

中故不從之也玄謂个讀若齊人摘幹之幹者讀從公  
羊傳桓公朝齊齊侯使公子彭生摘幹而殺之是幹為  
脅骨故云摘幹之幹此个亦與侯為幹故讀從之也引  
鄉射記者欲見中有躬有舌三者云下个五丈四尺  
者其上兩個各出丈八尺今此下个上出九尺兩畔共  
減十八尺故有五丈四尺云此侯凡用布三十六丈者  
古者布幅廣二尺二寸二寸為縫皆以二尺計之此侯  
是九十弓侯侯中文八尺則九幅布布長丈八尺九幅  
九丈幅有八尺為七丈二尺添前為十六丈二尺上下  
躬各三丈六尺即上下共為七丈二尺其上个七丈二  
尺下个有五丈四尺添前總用布三十六丈也其七十  
弓侯侯中一丈四尺其五十弓侯侯中一丈皆倍中以  
為躬倍躬以為左右

上綱與下綱出舌尋緝寸焉注綱

所以繫侯於植者也上下皆出舌一尋者亦人張手之

節也鄭司農云綱連侯繩也綱籠綱者綱讀為竹中皮

之綱舌維持侯者音義

綱于貧反或尤粉反劉侯犬反音古犬反植直吏反籠鹿工

反疏

釋曰綱以繫侯於植者也植則在兩旁邪豎之也必知邪豎之者下个半上个皆出舌尋明知兩旁

皆邪向外豎之也

張皮侯而棲鵠則春以功注皮侯以皮所飾

之侯司裘職曰王大射則共虎侯熊侯豹侯設其鵠謂此侯也春讀為蠹蠹作也出也天子將祭必與諸侯羣

臣射以作其容體出其合於禮樂者與之事鬼神焉音

義

棲音西春出允反

疏

釋曰云張皮侯者天子三侯用虎熊豹皮飾侯之側號曰皮侯而棲鵠者各以

其皮為鵠名此為鵠者綴於中央似鳥之棲故云而棲鵠也注釋曰天子將祭已下皆取射義之意以解此也

張五采之侯則遠國屬注五采之侯謂以五采畫正之  
侯也射人職曰以射法治射儀王以六耦射三侯三獲  
三容樂以騶虞九節五正下曰若王大射則以貍步張  
三侯明此五正之侯非大射之侯明矣其職又曰諸侯  
在朝則皆北面遠國屬者若諸侯朝會王張此侯與之  
射所謂賓射也正之方外如鵠內二尺五采者內朱白  
次之蒼次之黃次之黑次之其侯之飾又以五采畫雲

氣馬音義

畫正音征下皆同或音胡化反疏釋曰此據賓射之

弓之侯若七十弓者則三正五十弓者則二正也言遠國屬者對畿內諸侯為遠國若以要服以內對夷狄諸侯則夷狄為遠國也注釋曰鄭引射人職賓射及大射二者陰破賈馬以此五采與上春以功為一物故云非大射之侯明矣云正之方外如鵠者惟云參分其侯鵠居一馬不見賓射之侯故云如鵠亦當參分其侯正居一馬云內二尺者中央畫朱方二尺故司裘注引諸家方二尺曰正以此二尺為本其外以白蒼等充其尺寸使大如鵠也凡畫正皆先以朱次白次青次黃次玄以射是相尅伐之事故還以向南為本其次皆以相尅為次也其三正者去玄黃二正者又去白青直以朱綠也云其侯之飾又以五采畫雲氣馬者皮侯以皮為飾其側此正即畫明其側張獸侯則王以息燕注獸侯畫獸亦以雲氣為飾也

之侯也鄉射記曰凡侯天子熊侯白質諸侯麋侯赤質  
大夫布侯畫以虎豹士布侯畫以鹿豕凡畫者丹質是  
獸侯之差也息者休農息老物也燕謂勞使臣若與羣

臣飲酒而射音義

勞力報反使色吏反

疏

注釋曰此燕射之侯也引鄉射記白質赤質者

皆以白土赤土塗之大夫士言布謂白布不塗君畫一臣畫二取陽奇陰偶之義畫虎熊豹取其君臣相犯畫麋鹿豕者取其君臣相養凡畫者丹質以周尚赤故以赤為質地也云息者休農息老物也者謂十月農功畢君臣飲酒以休農止息之老萬物也云燕謂勞使臣若與羣臣飲酒而射者勞使臣謂若四牡勞使臣之來若與羣臣飲酒者君臣閒暇無事而飲酒云而射者息老物及勞使臣并無事飲酒三者燕皆有射法此燕射以



其事褻天子已下惟有五十步侯而已無尊卑之別也 祭侯之禮以酒脯醢注謂

司馬實爵而獻獲者于侯薦脯醢折俎獲者執以祭侯

音義

折之疏釋曰鄭云謂司馬實爵獻獲者于侯已下設反疏皆依大射而言彼雖諸侯禮天子射亦然

又此不辨大射賓射燕射則三等射皆同按大射司馬正洗散遂實爵獻服不服不侯西北三步北面拜受爵

乃祭侯左其辭曰惟若寧侯注若猶女也寧安也謂先右个及中

有功德其鬼有神音義

女音汝下文并注同疏注釋曰祭侯者祭先有功德之侯若

射侯則射不寧侯有罪者也下文母或一經是也 母或舉有功以勸示又舉有罪以懲之故兩言之也

若女不寧侯不屬于王所故抗而射女注或有也若如

也屬猶朝會也抗舉也張也音義

無母音

強飲強食詒女

曾孫諸侯百福注詒遺也曾孫諸侯謂女後世為諸侯

者音義

強其丈反下同詒羊反又羊志反遺惟李反

廬人為廬器戈秘六尺有六寸及長尋有四尺車戟常

酋矛常有四尺夷矛三尋注秘猶柄也八尺曰尋倍尋

曰常酋夷長短名酋之言適也酋近夷長矣音義

廬力吳反

下同秘音秘反音殊酋在由反疏注釋曰凡此經所云適在由反或子由反沈慈有反

疏柄之長短皆通刃為

尺數而言八尺曰尋倍尋曰常皆約上文車有六等之數皆以四尺為差而知之也云酋夷長短名酋近夷長

矣者按上注以酋夷為發聲則無義例至此而言長短各為義解之者鄭意雖是發聲夷為長故開口引聲而

言之酋為短故合凡兵無過三其身過三其身弗能用口促聲而言之也

也而無已又以害人注人長八尺與尋齊進退之度三

尋用兵力之極也而無已不徒止耳疏

注釋曰此據極長者夷矛三尋

而言云而無已又以害人者已止也謂不徒止又以害人人自己身也

故攻國之兵欲短

守國之兵欲長攻國之人衆行地遠食飲飢且涉山林

之阻是故兵欲短守國之人寡食飲飽行地不遠且不

涉山林之阻是故兵欲長注言罷羸宜短兵壯健宜長

兵音義

罷音皮贏劣皮反

疏

釋曰按司馬法云弓矢圍矢矛守戈戟助此言攻國之兵欲短則弓

矢是也守國之兵欲長則矢矛是也言戈戟助者攻國守國皆有戈戟以助弓矢及矛以其戈戟長短處中故

也凡兵句兵欲無彈刺兵欲無蝟是故句兵裨刺兵搏

注句兵戈戟屬刺兵矛屬故書彈或作但蝟或作絹鄭

司農云但讀為彈丸之彈彈謂掉也絹讀為帽邑之帽

帽畧橈也裨讀為鼓聲之聲玄謂蝟亦掉也謂若井中

蟲蝟之蝟齊人謂柯斧柄為裨則裨隋園也搏園也音

義

句劉俱具反沈音鉤下注同彈徒旦反注同刺七賜反注同蝟於全反又於兗反李又烏犬烏懸二反或

巨充反裊乃教反下同蟲蝟巨充反隋他果反園音圓疏  
懸反繞乃教反下同蟲蝟巨充反隋他果反園音圓疏  
注釋曰以戈有胡子其戟有援向外為磬折又胡刃向  
下故皆得為句兵也先鄭云絹讀為帽邑之帽者猶如  
詩云中心悁悁是悁邑之意故以義讀之也裊讀為鼓  
聲之聲者讀從樂記云鼓聲之聲之聲也玄謂蝟亦掉  
也者同是欲堅勁不欲柔軟者也謂若井中蟲蝟之蝟  
者俗讀之井中有蟲蝟蝟擾擾然也云裊隋園者謂側  
方而去  
楞是也

重重欲傳人傳人則密是故侵之注改句言數容及無  
刃同強上下同也舉謂手所操鄭司農云校讀為絞而  
婉之絞重欲傳人謂矛柄之大者在人手中者侵之能

敵也玄謂校疾也傳近也密審也正也人手操細以數則疾操重以刺則正然則為矜句兵堅者在後刺兵堅

者在前音義

校古飽反李又侯巧反傳音附下及注疏同操七曹反絞古飽反矜巨巾反下同

注釋曰云改句言數者上云句兵謂戈戟此經云數是改句云數以及長丈二而無刃可以數打人故云數兵也云同強上下同也者謂本末及中央皆同堅勁故云同強也先鄭云校讀為絞而婉之絞絞疾也者按昭元年虢之會叔孫穆子見楚公子圍曰美矣君哉及退會子羽謂子皮曰叔孫絞而婉注云絞切也故讀從之取切疾之義也云然則為矜句兵堅者在後者以句兵向後牽之故云堅者在後也云刺兵堅者在前者以句兵向前推之故云堅者在前也言此者欲見句兵手執處欲得細細則手執之牢也刺兵執處欲得麤而勁則手穩也

凡為殳五分其長以其一為之被而圍之參分其圍去  
一以為晉圍五分其晉圍去一以為首圍凡為酋矛參  
分其長二在前一在後而圍之五分其圍去一以為晉  
圍參分其晉圍去一以為刺圍注被把中也圍之圍之  
也大小未聞凡矜八觚鄭司農云晉謂矛戟下銅鑄也  
刺謂矛刃曾也玄謂晉謂如王搢大圭之搢矜所捷也  
首殳上鑄也為戈戟之矜所圍如殳夷矛如酋矛音義  
被皮義反注同去起呂反下同晉如字又音疏釋曰凡  
箭把音霸鑄存悶反劉子悶反捷初洽反

分其長以其一為之被而圍之者受長丈二尺五分取  
一則得二尺四寸為把處而圍之也參分其圍去一以  
為晉圍者後鄭云晉謂矜所捷也則受於手把處亦有  
銅鑄擬捷地豎之言參分其圍去一以為晉圍又五分  
其晉圍去一以為首圍者鄭云圍之大小未聞則二者  
皆未知窳細也云首圍謂在上頭上頭宜稍細之也矛  
云刺圍者謂柄入刃處也注釋曰云凡矜八觚者以經  
二者近手皆云圍之明不圍者為八觚也先鄭云刺謂  
矛刃觚也者人觚當前故以前為觚以其矛刃直前故  
名矛刃觚也玄謂晉讀如王指大圭之指者讀從典瑞  
云王指大圭執鎮圭彼指為插此晉亦插故從之是以  
云矜所捷也云首受上鑄也者受下有銅鑄取其入地  
此受首無銅鑄亦以上頭為首而稍細之以其似鑄故  
鄭云首受上鑄也云為戈戟之矜所圍如受者以其上  
文云句兵次云數兵注云改句言數容受無刃此文即  
云受以此互見言之足明戈戟之體與受同也知夷矛



與商矛同者以其同是矛但長短為異故知體亦同也

凡試廬事置而搖之以眡

其蛎也灸諸牆以眡其橈之均也橫而搖之以眡其勁

也注置猶封也灸猶柱也以柱兩牆之間輓而內之本

末勝負可知也正於牆牆盪音義

置如字李直吏反灸音救封音樹柱知主

反下同輓音挽盪所立反本又作澀又作盪同

疏

釋曰此經有三事置而搖之謂豎之於地上以手搖之以

眡其蛎蛎然均否灸諸牆謂柱之兩牆觀其體之強弱均否橫而搖之謂橫置於膝上以一手執一頭搖之以

眡其堅勁與否也

六建既備車不反覆謂之國工注六建五兵

與人也反覆猶軒輶音義

覆芳服反注同輶音周

疏

注釋曰知六建五兵與人

者以其從上而下廬人所造有柄者戈戟受與酋矛夷  
矛五兵而已按上車有六等除軫與人四兵此云六建  
建在車上明無軫自取人  
與五兵為六建可知也

匠人建國注立王國若邦國者疏

注釋曰周禮單言國者據王國邦國連言

據諸侯經既單言國鄭兼言邦國者以其下文有王及諸侯城制明此以王國為主其中兼諸侯邦國可知下文又有都城制則  
此亦兼都城也  
水地以縣注於四角立植而縣以水

望其高下高下既定乃為位而平地疏

釋曰此經說欲置國城先當以

水平地欲高下四方皆平乃始營造城郭也注釋曰云於四角立植而縣者植即柱也於造城之處四角立四柱而縣謂於柱四畔縣繩以正柱柱正然後去柱遠以水平之法遙望柱高下定即知地之高下然後平高就

下地乃平也乃後行置槩以縣眡以景注故書槩或作

弋杜子春云槩當為弋讀為杙玄謂槩古文臬假借字

於所平之地中央樹八尺之臬以縣正之眡之以其景

將以正四方也爾雅曰在牆者謂之杙在地者謂之臬

音義

槩魚列反注臬同弋以職反下杙同劉杙音予則反

疏

釋曰此經說既得平地乃於中營治也云

置槩者槩亦謂柱也云以縣者欲取柱之景先須柱正欲取柱正當以繩縣而垂之於柱之四角四中以八繩縣之其繩皆附柱則其柱正矣然後眡柱之景故云眡以景也注釋曰玄謂槩古文臬假借字者今之槩從木執聲之省者也古之槩為臬法字故尚書康誥云女陳時臬臬法字亦得為槩柱之字故云假借字也云於其

所平之地中央樹八尺之杲以縣正之者天文志云夏日至立八尺之表通卦驗亦云立八神樹八尺之表故知樹八尺之杲杲即表也必八尺者按考靈曜曰從上向下八萬里故以八尺為法也彼云八神此縣一也以於四角四中故須八神神即引也向下引而縣之故云神也云眡之以其景將以正四方也者即下云為規識日出日入之景是也引爾雅在牆者謂之杙為規識日在地者謂之杲者證此杲是在地樹之者也

**出之景與日入之景**注日出日入之景其端則東西正

也又為規以識之者為其難審也自日出而畫其景端以至日入既則為規測景兩端之內規之規之交乃審也度兩交之間中屈之以指杲則南北正音義

為其于  
偽反度

侍落疏注釋曰云日出日入之景其端則東西正也者

反謂於前平地之中央立表訖乃於日出之時畫

記景之端於日入之時又畫記景以繩測景之兩端則

東西正矣云又為規以識之者為其難審也者謂此經

為規識日出與日入之景者為景兩端長短難審故為

規規景也云自日出而畫其景端以至日入者還是景

之兩端耳云既則為規測景兩端之內規之規之交乃

審也者謂於中臬以繩規取景之兩端一而則景之遠

近定遠近定則東西乃審云度兩交之間中屈之以指

臬則南北正者兩交間正謂兩景端之半度景兩間中

屈之以指臬則南北正必中屈之者於夏日至中漏半

於臬南向北所度之處於東西景端亦相當故須中屈

也之畫參諸日中之景夜考之極星以正朝夕注日中之

景最短者也極星謂北辰音義朝如疏釋曰前經已正

不審猶更以此二者以正南北言朝夕即東西也南北  
正則東西亦正故兼言東西也注釋曰日中景最短者  
也者大司徒云日至之景尺有五寸以其在上臨下故  
最短也云極星謂北辰者當夜半考之爾雅云北極謂  
之北辰辰時也天下取正焉故謂之北  
辰極中也以居天之中故謂之北極也

匠人營國方九里旁三門注營謂丈尺其大小天子十

二門通十二子疏

釋曰按典命云上公九命國家宮室  
車旗衣服禮儀以九為節侯伯子男

已下皆依命數鄭云國家謂城方公之城蓋方九里侯  
伯七里子男五里并文王有聲詩箋差之天子當十二  
里此云九里者按下文有夏殷則此九里通異代也鄭  
異義駁或云周亦九里城則公七里侯伯五里子男三  
里不取典命等注由鄭兩解故義有異也疏備在典命  
也注釋曰云丈尺據高下而言云大小據遠近而說也

云天子十二門以通十二子者按孝經援神契云天子  
即政置三公九卿二十七大夫八十一元士慎文命下  
各十二子如甲乙丙丁之屬十日為母子丑寅卯  
等十二辰為子故王城面各三門以通十二子也國中

九經九緯經涂九軌注國中城內也經緯謂涂也經緯  
之涂皆容方九軌軌謂轍廣乘車六尺六寸旁加七寸  
凡八尺是謂轍廣九軌積七十二尺則此涂十二步也  
旁加七寸者輻內二寸半輻廣三寸半綆三分寸之二

金轄之間三分寸之一音義

涂音塗綆方穎反轄胡瞎反

疏

釋曰言九經九

緯者南北之道為經東西之道為緯王城面有三門門  
有三塗男子由右女子由左車從中央注釋曰鄭云旁

加七寸者輻內二寸半者計較在輻內九寸有餘今言輻內有二寸半者不加與下覆較者也

左祖右

社面朝後市注王宮所居也祖宗廟面猶鄉也王宮當

中經之涂也音義

鄉許亮反疏注釋曰言王宮所居也者謂

處中而言之故云王宮所居也云王宮當中經之涂也者按祭義注云周尚左桓二年取部大鼎納於大廟何休云質家右宗廟尚親親文家左宗廟尚尊尊義與此合按劉向別錄云路寢在北堂之西社稷宗廟在路寢之西又云左明堂辟廡右宗廟社稷皆不與禮合鄭皆不從之矣

市朝一夫注方各百

步疏

注釋曰按司市市有三期總於一市之上為之若市總一夫之地則為大狹蓋市曹司次介次所居

之處與天子二朝皆居夏后氏世室堂修二七廣四修一夫之地各方百步也



一注世室者宗廟也魯廟有世室牲有白牡此用先王之禮修南北之深也夏度以步令堂修十四步其廣益以四分修之一則堂廣十七步半疏注釋曰鄭云此用先王之禮者世室用此經夏法白牡用殷法皆是用先王之禮也云夏度以步者下文云三四步明此二七是十四步也云令堂修十四步者言假令以此堂云二七約之知用步非正文故鄭以假令言之也知堂廣十七步半者以南北為修十四步四分取十二步益三步為十五步餘二步益半步為二步半添前十五步是十七步半也

五

室三四步四三尺注堂上為五室象五行也三四步室方也四三尺以益廣也木室於東北火室於東南金室

於西南水室於西北其方皆三步其廣益之以三尺土  
室於中央方四步其廣益之以四尺此五室居堂南北

六丈東西七丈疏

注釋曰云五室象五行者以其宗廟制如明堂明堂之中有五天帝五人

帝五人神之坐皆法五行故知五室象五行也東北之室言木東南之室言火西南之室言金西北之室言水五行先起東方故東北之室言木其實東北之室兼水矣東南之室兼木矣西南之室兼火矣西北之室兼金矣以其中央大室有四堂四角之室皆有室故知義然也中央之室大一尺者以其在中號為大室故多一尺也云此五室居堂南北六丈東西七丈者以其大室居中四角之室皆於大室外接四角為之大室四步四角室各三步則南北三室十步故六丈東西

三室六丈外加四三尺又一丈故七丈也

九階注南

面三三面各二疏

注釋曰按賈馬諸家皆以為九等階鄭不從者以周殷差之夏人卑宮室

當一尺之堂為九等階於義不可故為旁九階也鄭知南面三階者見明堂位云三公中階之前北面東上諸侯之位阼階之東西面北上諸伯之國西階之西東面北上故知南面三階也知餘三面各二者大射禮云工人士與梓人升自北階又禠記云夫人至入自闈門升自側階奔喪云婦人奔喪升自東階以此而言四面有階可知

四旁兩夾窻注窻助戶為明每室四戶八窻音義

夾古洽反劉古協反窻初江反一音愆

疏

注釋曰言四旁者五室室有四戶四戶之旁皆有兩夾窻則五

室二十戶四十窻也

白盛注蜃灰也盛之言成也以蜃灰塗牆所

以飾成宮室音義

蜃常軫反塗烏路反又烏洛反

疏

注釋曰地官掌蜃掌供白盛之蜃則

此蜃灰出自掌蜃也云以蜃灰堊牆者爾雅云門堂三  
地謂之黝牆謂之堊堊即白蜃堊之使壁白也

之一注門堂門側之堂取數於正堂令堂如上制則門

堂南北九步二尺東西十一步四尺爾雅曰門側之堂

謂之塾音義

塾音孰劉又音育

疏

注釋曰鄭云令堂如上制者以上堂不言步故此注亦云

令假令如上制南北十四步東西十七步半今云三之  
二謂三分取二分以十四步取十二步三分之得八步  
二步為丈二尺三分之得八尺以六尺為一步添前為  
九步餘二尺故云南北九步二尺也云東西十一步四  
尺者十七步半以十五步得十步餘四尺添前為十一步  
三分之得一丈以六尺為一步餘四尺添前為十一步  
四尺也引爾雅門側之堂謂之塾者證此經門室三之  
堂為塾之義也尚書顧命左塾右塾亦此類也

室三之

一注兩室與門各居一分疏

注釋曰此室即在門堂之上作之也言各居一分者

謂兩室與門各居一分鄭不言尺數義可知故略而不言也

殷人重屋堂脩七尋堂

崇三尺四阿重屋注重屋者王宮正堂若大寢也其修

七尋五丈六尺放夏周則其廣九尋七丈二尺也五室

各二尋崇高也四阿若今四柱屋重屋複桷也音義重

龍反下及注同放方往

疏

注釋曰云王宮正堂若大寢也者謂對燕寢側室非正故

反複音福桷側白反

以此為正堂大寢也言放夏周者夏在殷前可得言放其周在殷後亦言放者此非謂殷人在周而為之鄭直據上文夏法下文周法言放猶言約夏周者也雖言放夏周經云堂修七尋則其廣九尋若周言南北七筵則

東西九筵是偏放周法而言放夏者七九偏據周夏后氏南北狹東西長亦是放之故得兼言放夏也云四阿若今四柱屋者燕禮云設洗當東雷則此四阿四雷者也云重屋複桷也者若明堂位云復廟重檐鄭注云重檐重承壁材也則此複桷亦重承壁材故謂之重屋

周人明堂度九尺之筵東西

九筵南北七筵堂崇一筵五室凡室二筵注明堂者明

政教之堂周度以筵亦王者相改周堂高九尺殷三尺則夏一尺矣相參之數禹卑宮室謂此一尺之堂與此

三者或舉宗廟或舉王寢或舉明堂互言之以明其同

制音義

度九劉直路反咸待洛反下及注同禹卑如字劉音婢與音餘

疏

注釋曰此記人據周作說

故其文備於周而略於夏殷是以下文皆據周而說也  
以夏之世室其室皆東西廣於南北也周亦五室直言  
凡室二筵不言東西廣鄭亦不言東西益廣或五室皆  
方二筵與夏異制也若然殷人重屋亦直言云堂修七尋  
不言室如鄭意以夏周皆有五室十二堂明殷亦五室  
十二堂云明堂者明政教之堂者以其於中聽朔故以  
政教言之明堂者明諸侯之尊卑孝經緯援神契云得  
陽氣明朗謂之明堂以明堂義大故所合理廣也云周  
度以筵亦王者相改者對夏度以步殷度以尋是王者  
相改也云周堂高九尺殷三尺則夏一尺矣者夏無文  
以後代文而漸高則夏當一尺故云相參之數禹卑宮  
室謂此一尺之堂與言與者以無正文故言與以疑之  
也云此三者或舉宗廟或舉王寢或舉明堂互言之以  
明其同制者互言之者夏舉宗廟則王寢明堂亦與宗  
廟同制也殷舉王寢則宗廟明堂亦與王寢同制也周  
舉明堂則宗廟王寢亦與明堂制同也云其同制者謂

當代三者其制同非謂三代制同也若然周人殯于西階之上王寢與明堂同則南北七筵惟有六十三尺三室居六筵南北共有一筵一面惟有四尺半何得容殯者按書傳云周人路寢南北七雉東西九雉室居二雉則三室之外南北各有半雉雉長三丈則各有一丈五尺足容殯矣若然云同制者直制法同無妨大矣據周而言則夏殷王寢亦室中度以几堂上度以筵宮中度制同而大可知也

以尋野度以步涂度以軌注周文者各因物宜為之數

室中舉謂四壁之內疏

注釋曰云周文者各因物宜為之數者對殷已上質夏度以步

殷度以尋無異稱也因物宜者謂室中坐時馮几堂上行禮用筵宮中合院之內無几無筵故用手之尋也在野論里數皆以步故用步涂有三道車從中央故用車之軌是因物所宜也云室中舉謂四壁之內者對宮中



是合院之內依爾雅宮猶室  
室猶宮者是散文宮室通也  
廟門容大局七个注大局

牛鼎之局長三尺每局為一个七个二丈一尺音義局古

熒反个古賀疏注釋曰知大局牛鼎之局長闡門容小  
反注及下同三尺者此約漢禮器制度

局參个注廟中之門曰闡小局脚鼎之局長二尺參个

六尺音義闡音章劉音疏注釋曰云廟中之門曰闡門

暉脚音香

者爾雅文此即雜記云夫人

至入自闡門是也云小局脚鼎之局長二尺者亦漢禮  
器制度知之脚鼎亦牛鼎但上牛鼎局長三尺據正鼎

而言此言脚鼎據陪路門不容乘車之五个注路門者  
鼎三脚腫曉而說也

大寢之門乘車廣六尺六寸五个三丈三尺言不容者

是兩門乃容之兩門乃容之則此門半之丈六尺五寸

疏

注釋曰下云應門則此路門以近路寢故特小為之經言乘車據輿廣六尺六寸者按輿人云輪崇車廣

衡長參如一鄭注云車輿也故知此云車亦據輿也云言不容者是兩門乃容之者若容兩個三個四個正應云容乘車之兩個三個四個若四個上復有餘分應云四個然後見其分數多少今直云不容乘車之五個明兩門乃容之猶如上文云中地食應門二徹參个注正者其民可任者二家五人之類也

門謂之應門謂朝門也二徹之內八尺三個二丈四尺

疏

注釋曰云正門謂之應門者爾雅文以其應門內路門外有正朝臣入應門至朝處君臣正治之所故謂

此門為應門是以鄭云謂朝門也

內有九室九嬪居之外有九室九卿

朝焉注內路寢之裏也外路門之表也九室如今朝堂

諸曹治事處九嬪掌婦學之法以教九御六卿三孤為

九卿疏

注釋曰內外據路寢之表裏言之則九卿之九室在門外正朝之左右為之故鄭據漢法朝堂

諸曹治事處謂正朝之左右為廬舍者也云九嬪掌婦

學之法以教九御者九嬪職文按內宰王有六宮九嬪

已下分居之若然不得復分居九室矣此九嬪之九室

與九卿九室相對而言之九卿九室是治事之處則九

嬪九室亦是治事之處故與六宮不同是以鄭引九嬪

職掌婦學之法則九室是教九御之所也云六卿三孤

為九卿孤同卿數者以命數同故也按昏義以夏之九

卿謂三孤與六卿為九此云九卿亦謂周之三孤六卿

為九卿  
九分其國以為九分九卿治之注九分其國分國

之職也三孤佐三公論道六卿治六官之屬疏

注釋曰云九分

其國分國之職也者鄭恐九分其國分其地域故云分國之職也云三孤佐三公論道六卿治六官之屬者欲見分職為九分之意以其三公三孤無正職天地四時正職六卿治之其餘非正職者分為三分三公治之三孤則佐三公者也但三公中參六官之事外與六卿之教書傳又云司徒公司馬司空公則三公六卿亦有職此亦據夏而言周則未見分為九分也

王宮門阿之制五雉宮隅之制七

雉城隅之制九雉注阿棟也宮隅城隅謂角浮思也雉

長三丈高一丈度高以高度廣以廣音義

浮思竝如字本或作果愚

同高一古報反後放此度待洛反下同

疏

釋曰云王宮門阿之制五雉者五雉謂高五丈云宮隅之制七

雉者七雉亦謂高七丈不言宮牆宮牆亦高五丈也云  
城隅之制九雉者九雉亦謂高九丈不言城身城身宜  
七丈也注釋曰云阿棟也者謂門之屋兩下為之其脊  
高五丈鄭以浮思釋隅者按漢時云東闕浮思災言災  
則浮思者小樓也按明堂位云疏屏注亦云今浮思也  
刻之為雲氣蟲獸如今闕上為之矣則門屏有屋覆之  
與城隅及闕皆有浮思刻畫為雲氣并蟲獸者也云雉  
長三丈高一丈度高以高度廣以廣者凡版廣二尺公  
羊云五版為堵高一丈五堵為雉書傳云雉長二丈度  
高以高度長以長廣則長也言高一雉則一丈言長三  
雉則三丈引之者證經五雉

經涂九軌環涂七軌野涂

五軌注廣狹之差也故書環或作輶杜子春云當為環

環涂謂環城之道音義

環如字劉戶串反輶戶闕反

疏

注釋曰環涂謂遠城道如

環然故謂之環也野涂國外謂之野通至二百里內以  
其下有都之涂三軌言都則三百里大夫家涂亦三軌  
也故知此野通二百里內門阿之制以為都城之制注  
也不言緯者以與經同也

都四百里外距五百里王子弟所封其城隅高五丈宮

隅門阿皆三丈疏

注釋曰鄭云都四百里外距五百里王子弟所封者則惟據大都而言不

通小都鄉之采地以司裘諸侯共熊侯豹侯卿大夫共  
康侯則卿不入諸侯中此云都據諸侯而言故不及小

都也大都諸侯兼三公直云王子其言略兼有三公可  
知云城隅高五丈者以上文王門阿五雉今云門阿之

制為都城制城制五雉若據城身則與下諸侯同故知  
此城制據城隅也云宮隅門阿皆三丈者以下文畿外

諸侯尊得伸為臺門高五丈此  
畿內屈故宮隅門阿皆三丈也  
宮隅之制以為諸侯之

城制注諸侯畿以外也其城隅制高七丈宮隅門阿皆

五丈禮器曰天子諸侯臺門疏

注釋曰鄭知諸侯畿以外者上文都據畿內諸

侯故知此諸侯據畿以外也引禮器者欲見諸侯門阿得與天子同之意也按異義古周禮說云天子城高七

雉隅高九雉公之城高五雉隅高七雉侯伯之城高三雉隅高五雉都城之高皆如子男之城高隱元年服注

與古周禮說同其天子及公城與此匠人同其侯伯以下與此匠人說異者此匠人云門阿之制以為都城之

制高五雉亦謂城隅也其城高三雉與侯伯等如是子男豈不如都乎明子男城亦與伯等是以周禮說不云

子男及都城之高直云都城之高皆如子男之城高有此匠人相參以知子男皆為本耳亦互相曉明子男之

城不止高一丈隅二丈而已如是王宮隅之制以為諸侯城制者惟謂上公耳以此計之王城隅高九雉城高

七雉上公之城隅高七雉城高五雉侯伯已下城隅高五雉城高三雉天子門阿五雉則宮亦五雉其隅七雉上公之城鄭云宮隅門阿皆三雉則其宮高亦三雉何者天子制鄭云宮隅門阿皆三雉則其宮高亦三雉何者天子門阿與宮等明知其餘皆等惟伯子男宮與都等其門阿蓋高於宮當如天子五雉何者禮器云天子諸侯臺門大夫不臺門以此觀之天子及五等諸侯其門阿皆五雉可知都城據大都而言其小都及家之城都當約中五之一家當小九之環涂以為諸侯經涂野涂以為一為差降之數未聞也

都經涂注經亦謂城中道諸侯環涂五軌其野涂及都

環涂野涂皆三軌疏

注釋曰諸侯直云經涂不言緯涂亦與天子環涂同可知諸侯

及都皆不言環涂野涂文略有可知故鄭增成之也知諸侯環涂五軌野涂三軌者以經涂七軌以下差降為



之故知義然也又知都環涂野涂皆三軌者凡涂皆男子由右女子由左車從中央三者各一軌則都之野涂不得降為一軌是以遂人注云路容三軌遙釋此也云都之野涂與環涂同以其野涂不得上於田間川上之路故也

周禮注疏卷四十一

周禮注疏卷四十一考證

玉人之事大圭長三尺注明無所屈也疏皆對諸侯為  
荼大夫前屈後屈故云無所屈也○臣紱按大夫句  
及玉藻推之則為荼下似當有前屈後直四字

土圭尺有五寸疏夏至日表北尺五寸景與土圭等○  
北監本訛此今改正

兩圭五寸有邸疏云倅其本也者亦一玉俱成兩圭尺  
相對為倅也○尺當是足字之誤王制注云卧則倅

孔疏云首在外足相鄉內亦引此證之

案十有二寸注聘禮曰夫人使下大夫勞以二竹簋方

○大夫監本作夫人今攷聘禮改正

磬氏已下則摩其端注短而厚則清○短監本訛矩今

依疏改正

矢人為矢鏃矢參分疏此上既言鏃矢○矢中無鏃矢  
之名當是鏃字之訛耳

綢矢七分○綢監本作殺石經亦作殺今從釋文

梓人為算虞○算石經作筭

外骨內骨疏按爾雅釋蟲螾衍入耳按方言云螾衍注云由延兩音自關而東謂之螾衍○此一段與原文小異爾雅云螾衍入耳方言云蚰蜢自關而東謂之螾蜢其小注云蚰蜢由延二字

又云連行魚屬者以其魚唯行相隨○唯下當疊唯字唯唯出齊風

厚脣弇口出目短耳大胃耀後注耀頗小也○頗釋文

作頃

凡攬綢援箸之類疏云攬綢者攬著則殺之援攬則噬之○援攬上以上句對觀之疑當有援箸者三字

梓人為飲器疏鄭元駁之云觶字角旁支○支監本訛作友今改正

梓人為侯疏賓射射人之所掌是也○監本脫人字今攷官名補之

匠人營國四旁兩夾窻○窻石經作窻




周禮注疏卷四十一考證



謹案第二十一頁前二行疏陸璣云刊本璣訛璣

今改





覆校官編修臣劉種之

校對官編修臣李光雲

謄錄監生臣趙興吾